



KELUARAN
ANGKATAN
NAHDHATUL
ISLAM
BERSATU
(BINA)



AL-HUDA


NOMBOR

11

SIRI PENGAJIAN DAN MEDIA SILATURRAHIM



Masjid Besar Sri Aman.



قَالَ إِنَّهُ هُوَ الْهُدَى
(البقرة: ١٢٠)

Katakanlah: “Sesungguhnya pertunjuk Allah itulah pertunjuk yang sebenarnya.” (Al-Baqarah 120)

TERHAD UNTUK PARA AHLI SAHAJA

Ibu Pejabat:
Jalan Daruk Patinggi Haji Abdul Rahman Yakub,
Petra Jaya,
93050 Kuching,
Sarawak, Malaysia.
Telefon: 082-443993, 082-443994 ext. 11 atau 31

PENGURUSAN

Penasihat:
USTAZ HAJI FATHI HAJI DUET
Pengarah:
TUAN HAJI MOKHSEN IBRAHIM
Timbalan Pengarah/Ketua Unit Penerbitan:
HASAN HAJI HAMZAH
Ketua Unit Pengedaran:
IDRIS BOHARI
Ahli Unit Pengedaran:
USMAN HJ. AFANDI
Rekabentuk:
BUJANG JENAL

ANGGOTA PENGARANG

Ketua Pengarang:
USTAZ HAJI MORTADZA HAJI DAUD
Penolong Ketua Pengarang:
USTAZ HAJI HASSANOEDDIN ABU
BAKAR
Sidang Pengarang:
— USTAZ HAJI BAHARUDDIN MANSUR
— USTAZ SYED MUHAMAD ALWI
AL-ATTAS
— DR. WAN ALI TUANKU MADHI
— USTAZAH ROHANI BINTI AWI
— USTAZ HAJI ALI FATHULLAH HARUN

PENGUMUMAN

Tuan-Tuan dan Puan-Puan,
Muslimin dan Muslimat sekalian;

Dimaklumkan dengan segala hormatnya bahawa pihak pengurusan penerbitan Risalah AL HUDA mengalu-alukan sumbangan derma seikhlas hati bagi membiayai penerbitan seterusnya risalah ini.

Tiap-tiap derma akan dikeluarkan resit rasmi yang boleh dikecualikan daripada cukai pendapatan.

Segala sumbangan boleh dialamatkan seperti berikut:-

Kepada:
Pengarah,
Penerbitan Al-Huda,
Ibu Pejabat BINA,
Jalan Tun Datuk Patinggi
Haji Abdul Rahman Ya'kub,
Petra Jaya,
93050 Kuching, Sarawak.

Sekian dimaklumkan, terima kasih.
Pengarah

K A N D U N G A N

Rencana Pengarang	3
Ibadah: Penghayatan dan Pengamalannya	4
Bank Islam: \$70 bantuan BANK PEMBANGUNAN ISLAM untuk membiayai projek-projek kesihatan dan pengajaran di 30 negara	14
Masalah Haji	18
Ruangan Muslimah: Dugaan dalam memilih jodoh	27
Amar Makruf Nahi Munkar	30
Penyakit Jiwa	37
Sambungan: Kepimpinan dalam Islam	41
Ruangan kesihatan: Pencemaran Alam	49
Haji dan Qurban	54
Mutiara Hikmat	58
Ruangan Tahukah Anda?	59
Menerima Hadists Wajib Sebagaimana Al-Quran	61
Mimbar Hadist	62

IBADAH



Berdoa kepada Allah, mohon petunjuk dan hidayahNya.

IBADAH

PENGHAYATAN DAN PENGAMALANNYA

(Oleh: Haji Agus Hakima)

Adapun kata-kata "Ibadah" ('Ibadat') berarti: menghambakan diri, menyembah, berarti juga, patuh dan taat, setia.

Kedudukan kita manusia dimuka bumi dijadikan Allah, sebenarnya

adalah untuk mengabdikan kepadaNya, melaksanakan semua perintah dan aturannya dengan taat, patuh dan setia. Hal ini disebutkan Allah dalam firman Nya, surat Adz-Dzariyat ayat: 56:-

RENCANA PENGARANG

Untuk mempersiapkan calon-calon pemimpin dari kalangan orang-orang Islam, supaya pimpinan itu benar-benar mempunyai kesedaran nasional dengan berteraskan ajaran Islam, mustahak sekali diadakan, dari semasa kesemasa, 'Latihan Kepimpinan Islam'. Latihan yang dimaksudkan perlu dianjurkan bukan saja oleh Jabatan Agama Islam atau Badan-badan berkanun, Swasta, malah oleh pertubuhan-pertubuhan, persatuan-persatuan dan kumpulan-kumpulan yang cintakan Islam.

Dengan melaksana hasrat demikian, maka berhasillah satu cita-cita iaitu, patah tumbuh hilang bergantinya pemimpin-pemimpin yang kita perlukan. Angkatan inilah yang diharap akan dapat meneruskan perjuangan yang pada masa kini masih mempunyai banyak ruang kekosongan yang perlu diisikan.

Perjuangan nasional yang berlandaskan Islam, tidak akan dapat dilaksanakan kalau hanya dengan kebolehan dan kecekapan dibidang ilmiah semata-mata. Disamping ilmiah ia menghendaki kematangan akidah, keteguhan peribadi dan keunggulan daya fikiran dan daya juang yang dipertanggungjawabkan semata-mata untuk keagungan Islam dan kemurnian ajarannya.

Untuk memupuk semua itu supaya ianya sentiasa hidup segar dalam peribadi seseorang, maka latihan-latihan amatlah diperlukan. Bukan sahaja latihan biasa yang diwujudkan berupa ceramah, seminar dan kursus, tetapi lebih amat mustahak dan diperlukan latihan-latihan peribadi yang terus menerus, mendisiplin diri dan jiwa mematuhi ajaran agama dalam kehidupan sehari-hari, tegasnya dengan membiasakan diri hidup beragama dan dalam lingkungan keagamaan.

Pemimpin yang mempunyai kewibawaan ialah pemimpin yang lebih dahulu memimpin dirinya sendiri.

(HAJI MOHD. MORTADZA HAJI DAUD)
Ketua Pengarang.

dari tengah jalan raya, membuang sampah dari kawasan perkarangan rumah, memberi sedekah kepada fakir miskin dan orang yang memerlukan bantuan, bertasbih dan zikir kepada Allah pada pagi dan petang dan dalam berbagai hal yang ditentukan, seperti ketika akan tidur, bangun dari tidur, akan keluar dari rumah, ketika kembali kerumah dari perjalanan, akan memakai pakaian, akan makan, sesudah makan dan sebagainya

Para Ulama ahli usul Fikih dari zaman dahulu, membahagi Ibadah ini kepada dua bahagian, pertama: Ibadah yang khusus, kedua Ibadah yang tidak khusus, Ibadah yang khusus, iaitu suatu perbuatan amal yang dalam perlaksanaannya tidak bersangkutan dengan orang lain, dilaksanakan oleh kita langsung kepada Allah seperti, Shalat (sembahyang), puasa haji, zikir dan doa. Adapun Ibadah yang tidak khusus, iaitu sesuatu ibadah yang dalam melaksanakannya, bersangkutan dengan orang lain, seperti Zakat, untuk melaksanakannya, kita memerlukan orang yang akan diberi zakat, dengan niat yang ikhlas Ibadah kerana Allah.

Panduan Ibadat

Adapun Ibadah dalam Islam tidaklah boleh dibuat-buat saja, melainkan mestilah mempunyai tun-tunan dan dasar daripada panduan pokok Agama Islam, iaitu Al-Quran dan Sunnah Rasulullah s.a.w., semata-mata keinginan hendak beribadat, kerana

takut ataupun harap dan cinta akan rahmat Tuhan, lalu diperbuat saja Ibadat dengan tidak mempunyai pedoman dan tuntunan daripada kitab Allah (Al-Quran) dan Sunnah Rasulullah s.a.w. maka Ibadat yang demikian tidak akan diterima oleh Allah.

Kedatangan Rasulullah s.a.w. ketengah-tengah ummat ini, adalah untuk menjadi contoh dan tauladan bagi kita semua manusia. Maka yang berkesan dengan Ibadah ini, bagaimana caranya dan tata tertibnya Rasulullah telah menunjukkan, beliau telah memberikan contoh bagaimana cara beribadat, bahkan semua yang bersangkutan dengan Agama telah beliau jelaskan, baik yang bersangkutan dengan Aqibah, yang bersangkutan dengan akhlak dan budi pekerti, yang bersangkutan dengan mu'amalat (kemasyarakatan), apalagi yang bersangkutan dengan Ibadat sebagai bukti yang pertama daripada keimanan dan keislaman.

Oleh sebab itulah Allah menjelaskan dalam firmanNya:-

لقد كان لكم في رسول الله أسوة

حسنة لمن كان يرجو

الله واليوم الآخر .

Maksudnya:-

“Sesungguhnya-sungguh adalah bagi kamu pada diri Rasulullah s.a.w. itu contoh yang amat baik, iaitu bagi orang-orang yang mengharapkan keredhaan Allah dan ganjaran pada hari yang akhir.”

وما خلقت الجن والانس
ليعبدون .

Maksudnya:-

“Tidaklah Aku jadikan Jin dan Manusia itu melainkan supaya mereka menyembah (taat setia, berbakti) kepadaKu.”

‘Ibadat’ adalah sebagai buah dan bukti yang pertama daripada Iman, kerana hati merasa tunduk, hormat, takut, cinta dan kasih kepada Tuhan yang Maha Kuasa, yang telah menjadikan kita dan menjadikan sekalian ‘Alam, maka ‘Ibadah’ dilaksanakan.

Dalam hal ini Allah berfirman pada surat Al-Baqarah ayat: 21,22, seperti berikut:-

ياايهاالناس اعبدوا ربكم الذي

خلقكم والذي من قبلكم

لعلكم تتقون . الذي

جدد لكم الارض فرارثا

والسموات

وانزل من السماء ماء فاخرج به

من الثمرات رزقا لكم

فلا تجعلوا لله اندادا

وانتم تعلمون .

Maksudnya:-

“Wahai seluruh manusia, Beribadahlah kamu kepada Tuhan kamu yang telah menjadikan kamu dan menjadikan orang-orang yang sebelum

kamu, supaya kamu bertaqwa (selamat).”

“Iaitu Tuhan yang telah menjadikan untuk kamu bumi sebagai hampan (tempat berdiam), dan langit yang menjadi sendi, dan Dia turunkan air dari langit, lalu Dia keluarkan dengan air itu berbagai hasil untuk menjadi rezeki bagi kamu, maka janganlah kamu jadikan bagi Allah itu sekutu, sedang kamu mengetahui.”

Bermacam-macam Ibadah

Sebenarnya semua amal saleh dan perbuatan yang baik-baik yang dilaksanakan dengan sengaja hati yang tulus (niat) untuk berbakti kepada Allah, adalah ‘Ibadah’. Akan tetapi jika kita tilik dalam Agama Islam, Ibadat ini ada terbahagi dua, pertama: Ibadat yang pokok dalam Agama, iaitu Ibadat yang merupakan Rukun dalam Agama kita Islam, seperti, Shalat (sembahyang), membayar zakat, berpuasa dalam bulan Ramadhan dan menunaikan Ibadah Haji ke Mekkah. Kedua, Ibadah yang bukan pokok (bukan merupakan Rukun Islam), akan tetapi merupakan ‘amal saleh’ diantaranya ada hukumnya yang wajib seperti berbakti dan berbuat baik kepada Ibu Bapa, berlaku jujur dan Amanah dalam pergaulan, mendidik anak-anak kita dengan Agama dan kejalan yang baik, menjauhkan semua perbuatan maksiat yang dilarang oleh Allah dan Rasul, dan diantaranya ada pula yang sunnat seperti membuang barang yang akan merosak

Seluruh tujuan Ibadah yang utama ialah untuk mengharapkan keredhaan Allah, kasih sayang Allah kepada kita, hambaNya, kerana redha dan kasih Allah itulah pokok kebahagiaan kita didunia dan diakhirat. Untuk mendapatkan kasih dan redha Allah itu, Allah menentukan syaratnya, iaitu: Ikutilah apa yang ditunjukkan oleh Rasulullah s.a.w. seperti yang disebutkan Allah dalam firmanNya, pada surat Ali Imaran ayat: 31:-

قل ان كنتم تحبون الله
فاتبعوني يحببكم الله

Maksudnya:-

“Katakanlah wahai Muhammad, jika kamu (semua manusia ini) kasih kepada Allah (ertinya: Harap akan keredhaan Allah) maka ikutilah aku, nescaya Allah sayang kepada kamu.”

Dalam Al-Quran surat Al-Hasyr ayat: 7, Allah berfirman, supaya kita mengambil dan mentaati pengajaran dan tuntunan yang diberikan oleh Rasulullah dan meninggalkan apa yang dilarangkannya. Firman Allah:-

وما اتاكم الرسول فخذوه
وما نهاكم عنه فانتهوا

Maksudnya:-

“Apa-apa (pengajaran) yang diberikan Rasul kepada kamu, hendaklah kamu ambil (kamu ikuti), dan apa yang dilarangkannya daripada kamu hendaklah kamu hentikan.”

Berkenaan dengan masing-masing

Ibadah itu, selain Rasulullah memberikan contoh, seperti bagaimana melaksanakan Ibadah shalat (sembahyang), bagaimana mengerjakan puasa, zakat dan haji maka Rasulullah pun menegaskan supaya kita mengikuti meniru dan meneladan bagaimana cara beliau mengerjakannya. Umpama dalam hal sembahyang, Rasulullah s.a.w. bersabda:-

صلوا كما رايتصوني اعملي

Maksudnya:-

“Sembahyanglah kamu sebagaimana kamu lihat aku mengerjakan sembahyang.

(Hadist riwayat Bukhari).

Berkenaan dengan ibadah haji, Rasulullah s.a.w. menyebutkan:-

خذوا عني مناسككم

Maksudnya:-

“Ambillah daripadaku cara-cara mengerjakan haji kamu.”

(Hadist riwayat Muslim).

Begitulah dalam menunaikan semua ibadat, apalagi ibadat yang pokok dan ibadat yang khusus, seperti cara berdoa dan memohon kepada Allah, begitu juga zikir, janganlah disertakan dalam ibadat itu perbuatan-perbuatan yang bidaah (diada-adakan saja, tidak berasal daripada Quran dan Sunnah), sebab akibatnya kita sendiri akan merugi, bahkan tidak beroleh pahala melainkan beroleh dosa. Dalam hal ini Rasulullah telah memperingatkan:-

من أحدث في أمرنا هذا

• ما ليس منه فهو رد.

Maksudnya:-

“Barang siapa yang melakukan suatu amal yang tidak ada atasnya suruhan kami (tidak berasal daripada pengajaran Rasulullah) maka amalnya itu akan ditolak.”

Dalam sebuah hadist yang lain lagi Rasulullah menjelaskan:-

فإن خير الهدى كتاب الله وخير

الهدى هدى محمد وآثار الأمور

محدثاتها وكل محدثة

• بدعة وكل بدعة ضلالة

Maksudnya:-

“Sesungguhnya sebaik-baik ucapan (berita) ialah Kitab Allah (yakni Al-Quran), sebaik-baik tauladan (yang perlu diikuti) ialah contoh tauladan daripada Nabi Muhammad s.a.w., dan sesungguhnya sejahat-jahat pekerjaan ialah (pekerjaan) yang dibuat-buat dalam agama (tidak berasal daripada sunnah Rasul dan itulah pekerjaan yang bidaah) dan tiap-tiap yang bidaah itu adalah sesat.”

(Hadist riwayat Muslim).

Demikianlah supaya dalam menunaikan ibadat ini supaya kita mengikuti benar akan tuntunan yang diberikan oleh Rasulullah s.a.w., untuk mengetahui tuntunan Rasulullah itu, kita perlu belajar.

HUKUM TAKLIF (Hukum yang lima)

Dalam agama kita Islam ada lima hukum yang biasa disebut Hukum Taklif atau hukum syarak, dan biasa juga disebut hukum yang lima.

Setiap kita manusia, semenjak kita mulai baligh dan berakal (menginjak alam dewasa), kita telah disebut Mukallaf ertinya orang yang diberi beban tanggungjawab untuk menjalankan tugas (taklif) daripada Allah, tugas itu disimpulkan dalam sebutan hukum syarak atau hukum taklif, atau disebut juga hukum yang lima.

Hukum yang lima itu ialah:-

1. **Wajib (mesti)** iaitu: Tuntutan Allah Taala supaya kita manusia mengerjakan suatu pekerjaan dengan tuntutan yang mesti; diberi pahala jika dikerjakan dan diberi dosa (siksa) jika ditinggalkan. Seperti mengerjakan shalat yang lima, puasa bulan Ramadhan, membayar zakat, menghormati ibu bapa, mendidik anak-anak supaya dia menjadi orang Mukmin yang menghambakan diri kepada Allah dan sebagainya.

2. **Sunnat (Mandub)**

iaitu: Tuntutan Allah supaya kita mengerjakan sesuatu pekerjaan dengan tuntutan yang tidak mesti, diberi pahala orang yang mengerjakannya dan tidak diberi dosa jika ditinggalkan.

Seperti: Sembahyang sunnat,

puasa sunnat, Umrah yang sunnat, mengucapkan salam kepada sesama Muslim jika berjumpa di jalan, mengucapkan salam ketika akan masuk rumah, membasuh tangan ketika akan makan, makan dan minum dengan tangan kanan, mengucapkan Bismillah ketika akan makan, mengucapkan Alhamdulillah sesudah makan, mendahulukan kaki yang kiri ketika masuk tandas, mendahulukan bahagian kanan ketika akan memakai pakaian (baju, seluar, sepatu dan selipar), mendahulukan yang kiri ketika membukannya dan sebagainya.

3. Haram (larang keras)

laitu tuntutan Allah supaya kita meninggalkan sesuatu dengan tuntutan yang mesti, diberi pahala jika ditinggalkan dan diberi siksa jika dikerjakan, seperti, makan daging babi, minum atau memakan atau menghisap barang yang memabukkan, menjatuhkan diri kepada kebinasaan, memakan harta anak yatim, menipu, mencuri, memfitnah, berbohong (dusta), berzina, membunuh manusia diatas jalari yang tidak benar, mendurhakai ibu-bapa dan sebagainya.

4. Makruh (Dibenci / Tidak disukai)

laitu tuntutan Allah supaya kita meninggalkan sesuatu dengan tuntutan yang tidak mesti, diberi pahala jika ditinggalkan dan tidak

disiksa jika dikerjakan. Seperti, buang air sambil berdiri ditempat yang terbuka, minum dengan tangan kiri, makan barang yang berbau ketika akan menghadiri majlis umum, (seperti ketika akan pergi shalat jamaah atau shalat Jumaat dan sebagainya).

Banyak juga makruh ini meninggalkan perbuatan yang sunnat, seperti tidak menggosok gigi berhari-hari, tidak mandi, membiarkan badan dan pakaian kotor, bahkan pekerjaan yang makruh itu dapat meningkat menjadi haram, seperti tidak mandi, mandi sehari-hari ini selain tersebut hadats adalah sunnat, tetapi jika sampai seminggu orang tak mandi adalah berdosa, kerana shalatnya tidak sah sebab badannya bernajis yang perlu kepada mandi (disuci).

5. Mubah (boleh / harus)

laitu tuntutan Allah dimana manusia boleh memilih mengerjakan ataupun meninggalkan, seperti makan dan tidur. Tidak diberi pahala dan tidak diberi dosa jika dikerjakan atau ditinggalkan. Walaupun dalam Al-Quran ada firman Allah yang bermaksud: "Makanlah kamu dan minumlah kamu!" Walaupun ayat itu berbunyi perintah, namun perintah itu tidaklah wajib, tidak berdosa jika tidak makan dan tidak berpahala jika makan.

Akan tetapi, walaupun makan dan tidur itu hukumnya mubah (harus), disekitar pelaksanaan makan-minum dan tidur ini ada tersangkut hukum-hukum yang lain, seperti: Sunnat, makruh dan haram.

Seperti orang yang sengaja tidur diwaktu subuh, pada hal dia sudah tahu bahawa waktu shalat Subuh sudah datang, maka tidurnya itu bukan mubah lagi, tetapi haram. Meninggalkan tidur ketika itu hukumnya wajib. Rasulullah s.a.w. biasa tidur Qailullah (sesudah Lohor), dengan maksud supaya beliau kuat melakukan shalat tahajjud diwaktu malam, maka tidur siang seperti itu adalah sunnat (sunnah).

Membersihkan tempat tidur sebelum tidur, membaca doa zikir memohon perlindungan kepada Allah sebelum tidur, tidur menghadap kekanan bersyukur kepada Allah ketika bangun, semuanya itu adalah sunnat, walaupun tidur itu sendiri hukumnya mubah.

Demikianpun makan, hukum makan sudah jelas mubah, tetapi jika makan itu berlebih-lebihan (Israf) adalah haram, demikianpun terjadi membuang-buang makanan (tidak dimanfaatkan) (mubazzir) hukumnya sudah nyata haram. Menjalankan adab tertib makan

yang ditunjukkan Rasulullah adalah sunnat, meninggalkan Adab itu adalah makruh (dibenci oleh Allah dan Rasul), tidak diredhai oleh Allah.

Memakai pakaian lebih daripada penutup aurat adalah mubah, ingat bagi laki-laki yang wajib ditutup hanya antara pusat dan lutut. Lebih daripada itu adalah mubah. Akan tetapi disekitar yang mubah ini ada tersangkut hukum yang lain. Ada yang sunnat ada yang makruh dan ada pula yang haram. Memakai pakaian dengan adab tertib yang ditunjukkan Rasulullah adalah sunnat, memakai pakaian dengan sikap angkuh dan kibir (bongkak) adalah haram.

Pembahagian Hukum Wajib dan Sunnat

Hukum wajib ini disebut juga fardhu. Hukum wajib (fardhu) ada terbahagi dua:-

1. Fardhu ain, iaitu kewajiban yang terpikul diatas diri setiap orang Islam, seperti shalat, puasa, zakat dan haji.
2. Fardhu kifayah, iaitu, kewajiban yang terpikul diatas semua ummat Islam disatu tempat, akan tetapi jika telah dilaksanakan oleh sebahagian daripada mereka, maka kewajiban itu telah terlepas daripada mereka semua. Seperti dalam menyelenggarakan Jenazah.

Bila ada yang mati disatu kampung, maka semua orang dalam kampung itu berkewajiban menyelenggarakan jenazah orang itu. Akan tetapi bila sebahagian mereka telah melaksanakannya sampai selesai, dari memandikan, megafani, meyembahyangkan dan menguburkan, maka semua mereka sudah terlepas dari kewajiban. Berkenaan dengan fardhu kifayah ini pun banyak juga sekadar contoh kita berikan satu itu lebih dahulu.

Sunnat juga terbahagi dua:-

1. Sunnat Muakkadah ertinya Sunnat yang dikuatkan.
2. Sunnat Ghairu Muakkah (Sunnat yang tidak dikuatkan).

Adapun sunnat Muakkadah, iaitu amalan sunnat yang amat diutamakan dan tidak ditinggal-tinggalkan oleh Rasulullah s.a.w. seperti shalat sunnat Rawatib sebelum dan sesudah sembahyang yang wajib, shalat tahajjud diwaktu malam, Tahyiyatul masjid dan sebagainya atau juga seperti puasa Sunnat, Isnen, Khamis, atau berganti hari, atau tiga hari dalam sebulan dan sebagainya.

Amalan sunant Ghairu Muakkadah, seperti shalat sunnat dua rakaat sebelum shalat maghrib, kerana Nabi menyatakan, Liman Sya'a ertinya Hanya untuk siapa yang mau. Begitu

juga shalat sunnat sesudah Azan, Nabi menyatakan "Antara dua panggilan sembahyang (maksudnya: antara Azan dan Iqamat) ada dua rakaat sembahyang, bagi siapa yang mahu."

Untuk menentukan suatu perbuatan atau sesuatu amal itu sunnat atau tidak, kita merujuk kepada contoh yang diberikan junjungan Nabi Muhammad s.a.w., yang ditunjukkannya dengan perbuatan, dengan perkaatannya atau perbuatan orang lain yang disetujuinya.

Orang-orang yang membuat-buatkan suatu amal yang tidak ada dasarnya daripada sunnah Nabi Muhammad s.a.w. orang yang seperti itulah yang disebut berbuat bidaah.

Dalam hal ini, kita perlu memeriksa kembali amalan-amalan yang berkembang dalam masyarakat kita, yang dikatakan oleh orang awam bahawa perbuatan itu sunnat, pada hal tidak berasal daripada perbuatan Rasulullah s.a.w. Rasulullah sangat memperingkatkan kita supaya kita menjauhi yang bidaah itu.

Shalat Tiang Agama

Sudah kita terangkan bahawa ibadat itu amat banyak, diantaranya berupa rukun Islam yang lima, shalat, zakat, puasa dan haji. Disamping itu banyak lagi berbagai amal yang berupa ibadat, iaitu segala amal saleh yang dilakukan dengan sengaja untuk ibadat kepada Allah.

Akan tetapi diantara segala ibadah itu, dan yang merupakan tiang

agama (Rukun Islam), Tiang yang paling besar diantaranya ialah shalat (sembahyang).

Dalam beberapa hadist rasulullah s.a.w. menegaskan, bahawa meninggalkan sembahyang dengan sengaja menjadikan seorang itu dipandang kafir (menyangkal agama Islam). Seperti tersebut (dalam sabda Rasulullah s.a.w.)

من ترك الصلاة متعمدا
فقد كفر .
(رواه احمد واصحاب السنن)

Maksudnya:-

“Barangsiapa yang meninggalkan sembahyang dengan sengaja, sungguh-sungguh dia telah kafir.”

Dan Sabda Rasulullah s.a.w.:-

Perbezaan antara orang Islam dengan orang kafir adalah sembahyang. Dan sembahyang inilah diantara semua amal perbuatan manusia yang mula-mula sekali akan diperiksa dan dihisab oleh Allah pada hari kemudian. Apabila sembahyang seseorang itu baik dan beres maka pemeriksaan tentang amalnya yang lain-lain akan mudah.

Adapun sembahyang yang ada faedahnya dalam kehidupan manusia yang mempengaruhi semua tingkah lakunya dan semua amal perbuatannya, iaitu sembahyang yang dilakukan dengan tetap (diam). Seperti yang disebutkan dalam firmannya:-

الذين هم على صلاتهم

دائمون .
(المتارج : ٢٢) .

Maksudnya:

“Dan orang-orang yang mereka atas sembahyang mereka tetap selama-lamanya”⁴ Mungkin sebahagian kita merasa hairan kerana sembahyang itu hanya lima waktu sehari semalam, tetapi didalam ayat ini Allah menyebutkan tetap selama-lamanya, ialah lima waktu dikerjakan dengan rukuk dan sujud akan tetapi ingatlah akan Allah dan taqwa serta khusyuk sebagai hasil daripada rukuk dan sujud tetap hidup didalam hati, dibawa kemana pergi dan dimana juga kita berada, dengan demikian kita dapat memelihara diri daripada semua kejahatan dan kemungkaran, yang menjadi keinginan yang utama iaitu mencari keredhaan Allah.

Itulah sebabnya maka Tuhan menyebutkan:-

ان الصلاة تنهى عن الفحشاء
والمنكر .
(التكبوت : ٤٥)

Maksudnya:

“Sesungguhnya sembahyang itu dapat menghalangi daripada kejahatan dan kemungkaran.”

Apabila seseorang benar-benar menjadi orang yang menegakkan sembahyang, dengan sendirinya dia akan taat setia melaksanakan semua amal ibadah yang lain, terutama ibadat-ibadat yang merupakan rukun Islam, seperti membayar zakat, berpuasa bulan Ramadhan, melaksanakan ibadat

haji, dan ia akan setia melaksanakan semua amal kebajikan yang baik-baik dan menjauhkan semua yang tidak

baik.

Itulah sebabnya maka disebut sembahyang itu tiang agama.

٠١ - لِلشُّكْرِ - يَا أَيُّهَا النَّاسُ اعْبُدُوا رَبَّكُم

٠٢ - لِمَا كَرَّمَهُ - أَقِمِ الصَّلَاةَ لِمَا كَرَّمَهُ

٠٣ - لِلإِقْتِرَابِ إِلَى اللَّهِ - وَاسْجُدْ وَاقْتَرِبْ

٠٤ - لِطَهَانِ نِيَّةِ الْقَلْبِ - الْإِبْدَ كَرَّمَهُ تَطْمِئِنُّ الْقُلُوبُ

٠٥ - لِلدُّعَا - أَقْرَبُ مَا يَكُونُ أَحَدُكُمْ مِنْ رَبِّهِ وَهُوَ سَاجِدٌ فَكَثُرُوا فِيهِ

• مِنْ الدُّعَا •

٠٦ - لِلنَّبِيِّ عَنِ الْفَحْشَاءِ وَالْمُنْكَرِ - إِنْ الْمَلَأَ تَنَبَّهَى عَنِ الْفَحْشَاءِ وَالْمُنْكَرِ •

٠٧ - لِلتَّحَادِ - لِبِنَا الْعِجَابَةِ •

من حكمة الصلاة

والذين هم على صلاتهم دائمون

وعن بريدة رضي الله عنه قال: قال رسول الله صلى الله عليه وسلم: من

ترك صلاة العصر حبط عمله •


(رواه البخاري) •

Dari Buraidah r.a., katanya: Nabi s.a.w. bersabda: "Barangsiapa yang meninggalkan shalat Asar, maka leburlah - yakni rusaklah amal kelakuannya."

(Riwayat Bukhari)



**\$70 juta bantuan
BANK PEMBANGUNAN ISLAM
untuk membiayai
projek-projek kesihatan dan
pengajaran di 30 negara.**



*Ibu Pejabat Bank Pembangunan Islam yang
Baru di Jeddah Arab Saudi.*

Bank Pembangunan Islam telah memberikan bantuan sejumlah \$70 juta untuk membiayai 75 projek bagi pengkhidmatan sudut-sudut pengajaran, kesihatan dan sosial masyarakat Islam dalam 30 negara, di Asia, Afrika,

Eropa dan Amerika Syarikat.

Hingga penghujung bulan Rabiuts Tsani yang lalu, pihak Bank Pembangunan Islam telahpun dapat menyelesaikan kajian-kajiannya bagi melaksanakan projek-projek itu untuk

masyarakat Islam dalam negara-negara bukan anggota Bank, dengan tujuan membantu kaum Muslimin dalam masyarakat tersebut sehingga dapat memelihara keujudan dan maruah mereka, serta dengan maksud membina komunikasi yang berterusan dengan kebudayaan Islam dengan membantu latihan teknikal terhadap putera-putera

Syari'ah Islam, disamping pihak Bank bekerja untuk membangun dan mentadbir dana-dana khas bagi memberi bantuan kepada masyarakat-masyarakat Islam dinegara-negara yang bukan anggota.

Beliau menambahkan lagi bahawa: "Dari landasan ini pihak Bank telahpun memulakan aktivitinya bagi

DR. AHMED MUHAMMED ALI
PRESIDEN BANK PEMBANGUNAN
ISLAM MENYATAKAN BAHAWA:
"ADANYA BANTUAN BANK PEM-
BANGUNAN ISLAM"



*Dr. Ahmed Mohammed Ali,
Presiden Bank Pembangunan Islam.*

Islam.

Dr. Ahmed Muhammed Ali, Presiden Bank Pembangunan Islam menyatakan bahawa: "Adanya bantuan Bank Pembangunan Islam bagi membiayai projek-projek dalam masyarakat Islam adalah selaras dengan perhatian pihak pimpinan-pimpinan negara-negara Pertubuhan Muktamar Islam, mengingatkan situasi masyarakat-masyarakat Islam dalam negara-negara yang bukan anggota Bank. Perhatian ini nampak dalam persetujuan pengasasan Bank Pembangunan Islam, dimana diantara tujuannya ialah mengadakan bantuan pembangunan ekonomi dan kemajuan sosial bagi bangsa-bangsa sesuai dengan hukum

melayani masyarakat-masyarakat Islam ini sejak 1400 H, iaitu sesudah dikeluarkannya suatu keputusan Majlis Gabenor-Gabenor Bank yang ketiga. Dengan demikian pihak Bank selanjutnya segera memulakan kerjanya bagi mengambil sebarang tindakan untuk mengenal pasti keadaan-keadaan atau situasi-situasi masyarakat-masyarakat Islam ini serta mempelajari selama pengiriman missi-missinya kepada mereka.

Projek-projek yang diberi bantuan oleh pihak Bank Pembangunan Islam bagi masyarakat-masyarakat Islam tersebut adalah mengandungi:

Somalia : \$1 juta, bagi pem-
angunan dan pe-

nyediaan peralatan pusat-pusat kesehatan dalam khemah-khemah kaum pelarian orang-orang Uganda yang berada di Somalia.

Dana bagi Sekolah-Sekolah Arab Islam

Antarabangsa:

: \$1 juta, bagi membantu pembangunan sekolah-sekolah dan penyediaan peralatan-peralatannya.

Malaysia : \$500.000 untuk pembangunan khemah-khemah khas orang-orang Kambodia yang melarikan diri ke negara tersebut, dan mengadakan Sekolah-Sekolah Kanak-Kanak serta penyediaan alat-alat angkut mereka (para pelarian Kambodia).

Ethiopia : \$600,000 untuk membangun gudang-gudang makanan, dan membeli tangki-tangki bagi memindahkan air untuk para pelarian Eritaria.

Masyarakat Islam di Cyprus:

\$1 juta, untuk pembangunan dan penyediaan peralatan bagi Ma'had Teknik Tinggi.

Kambodia : \$1 juta, untuk menyediakan alat-alat Sekolah dan buku-buku agama, dan memperbaiki masjid-masjid serta menambahkannya dengan dua tingkat untuk pengajaran Al-Quran dan pemeliharaan kesehatan.

Masyarakat Islam di Vietnam:

: \$300,000 untuk pembangunan Madrasah bagi kanak-kanak Islam dikota Ho Chin Minh.

Sudan : \$1,200,000 untuk pembangunan dan penyediaan alat-alat 3 sekolah Menengah bagi para pelarian Eritaria.

Togo : \$1,100,000 untuk pembangunan Madrasah menengah di Lomi, dan Madrasah kecil disetiap kawasan negeri itu, dan \$200,000 untuk pembangunan dan penyediaan alat-alat sebuah Dewan dan perpustakaan.

kaan Jurusan Bahasa Arab dan Kebudayaan Islam Universiti Banin di Lomi.

Masyarakat Islam di Sieralion:

: \$1,500,000 untuk membiayai projek Ma'had Muallimin Bahasa Arab dan Kebudayaan Islam.

Sri Langka : \$500,000 untuk membiayai sebuah bangunan di Colombo, yang merupakan wakaf bagi Universiti Islam di Kota Paruwela, dan \$200,000 untuk membangun dan menyediakan alat-alat perlengkapan Perpustakaan Universiti tersebut.

Afrika Selatan : \$1,850,000 iaitu \$1 juta, untuk menyempurnakan pembangunan sebuah madrasah tsana-wiyyah bagi orang-orang Islam sukubangsa Zulu, dan \$500,000 bagi keperluan Pusat Islam untuk Dakwah Islamiyah dikawasan Darban dan \$350,000 bagi pembangunan bilik-bilik darjah dan Asrama Guru-Guru bagi kaum Muslimin Suwito.


(Akhbar Alam Islami. No. 970, 12hb Sya'ban 1406H).
Diterjemahkan oleh:
(Ustaz Haji Baharuddin Mansur)

Perhatian:
\$ tersebut dalam rancangan ini ialah \$ Amerika Syarikat (US\$)

Allah berfirman, yang maksudnya:

“Perumpamaan (nafkah yang dikeluarkan oleh) orang-orang yang menafkahkan hartanya di jalan Allah adalah serupa dengan sebutir benih yang menumbuhkan tujuh butir, pada tiap-tiap butir seratus biji. Allah melipat gandakan (ganjaran) bagi siapa yang DIA kehendaki. Dan Allah Maha Luas (kurnia Nya) lagi Maha Mengetahui (Al Baqarah 261).”

HAJI



HAJI

Berawal dari Masjidil Haram yang penuh sesak
di Mekkah, jutaan haji yang menunaikan ibadah
Menjelang kedatangan tahun Haji

JAMA'AH HAJI KAUM MUSLIMIN YANG PERTAMA

Haji menurut pengertian umumnya - yang berarti kunjungan ketempat tertentu, untuk mendekati diri kepada Tuhan yang disembah - adalah salah satu bentuk peribadatan lama, yang dilakukan oleh bangsa-bangsa dan suku-suku sebagai lambang untuk menyatakan keagungan dan kekudusan sembahannya. Setiap jama'ah dalam hajinya menggunakan bentuk-bentuk dan cara-cara yang sesuai dengan khayalan mereka mengenai keagungan sembahannya. Keadaan semacam itu terus berlangsung tanpa ada wahyu yang turun dari langit yang menjelaskan cara ibdat ini, untuk mengaturnya dan menjelaskan dasar-dasarnya. Sampai Allah s.w.t. mempersiapkan hal ini kepada Nabi Ibrahim a.s. dan memerintahkan untuk mendirikan ka'abah "Baitullahil Haram" di Mekah dan memerintahkan pula untuk mengajak manusia naik haji kepada Baitullah. Sejak saat itulah terdapat Baitullah dan terdapat pula haji pada Agama yang turun dari langit. Kerana itulah, maka Ka'abah menjadi rumah yang pertamatamu dibangun di bumi untuk beribadat kepada Allah Yang Maha Tunggal lagi Maha Esa. Dalam hal itu Allah s.w.t. berfirman:

وَاذِ ابْرٰهٖمَ اِذْ اَبْرٰهٖمَ مَكَانَ الْبَيْتِ

ان لا تشرك بي شيئا وطهر بيتي
للطائفين والقائمين
والركع السجود

وَأَذِّنْ فِي النَّاسِ بِالْحَجِّ يَأْتُوكَ رِحَالًا
وَعَلَىٰ كُلِّ ضَامِرٍ
يَأْتِينَ مِنْ كُلِّ فَجٍّ عَمِيقٍ

(الصَّح: ٢٦-٢٧)

Maksudnya:-

"Dan (ingatlah), ketika Kami memberikan tempat kepada Ibrahim ditempat Baitullah (dengan mengatakan): "Janganlah kamu persekutukan sesuatupun dengan Aku dan suci kanlah rumah-Ku ini bagi-orang-orang yang thawaf, orang-orang yang beribadat dan orang-orang yang rukuk dan sujud. Dan serulah kepada manusia untuk mengerjakan haji, nescaya mereka akan datang kepadamu dengan berjalan kaki, dan mengendarai unta yang kurus*) yang datang dari segenap penjuru yang jauh."

(S. Al-Hajj ayat 26-27)

Dan Allah s.w.t. berfirman pula:



اَنَّ اَوَّلَ بَيْتٍ وُضِعَ لِلنَّاسِ لَلَّذِي بِبَكَّةَ
 • مَبَارَكًا وَهُدًى لِلْمُسْلِمِينَ •
 فِيهِ آيَاتٌ بَيِّنَاتٌ مَّقَامُ اِبْرَاهِيمَ
 وَمَنْ دَخَلَهُ كَانَ اٰمِنًا وَلِلّٰهِ
 عِلْمُ النَّاسِ حَيْثُ الْبَيْتِ مَنْ اَسْتَطَاعَ
 اِلَيْهِ سَبِيْلًا • (آل عمران: 96-97)

Maksudnya:-

"Sesungguhnya rumah yang mula-mula dibangun untuk (tempat beribadat) manusia, ialah Baitullah yang di Bakkah (Mekah) yang diberkati dan menjadi petunjuk bagi semua manusia. Padanya terdapat tanda-tanda yang nyata, (diantaranya) makam Ibrahim. Barangsiapa memasukinya (Baitullah itu) menjadi amanlah dia. Mengerjakan haji adalah kewajiban manusia terhadap Allah, iaitu bagi orang yang sanggup mengadakan perjalanan kepadanya."

(S. Ali Imran ayat 96-97)

HAJI PADA MASA JAHILIYAH

Semenjak itulah orang-orang Arab mengagungkan Baitullah serta haji kepadanya dan beribadat disana. Hanya saja mereka itu lantaran berlakunya masa yang berabad-abad lamanya makin lemah jiwanya untuk memelihara janji sehingga mereka lupa akan ajaran-ajaran tauhid yang murni, yang disampaikan dan ditetapkan kepada mereka oleh nenek moyang mereka Nabi Ibrahim a.s. dan mereka mengubah-

ubah dan mengganti ajaran-ajaran tersebut.

Mereka mempersekutukan Tuhan dengan berhala-berhala, dan berhala-berhala itu mereka naikkan keatas Baitullah, mereka membuat lingkaran disekelilingnya, dan menghadap serta minta tolong kepadanya. Mereka jadikan berhala-berhala itu sebagai pemberi syafaat (pertolongan) bagi mereka disisi Allah. Mereka menyembelih binatang untuk memuliakannya dan menyebut nama-namanya dikala menyembelih binatang itu.

Demikian juga mengenai cara-cara ibadat haji dan syiar-syiarinya mereka telah membuat-buat tradisi tertentu sesuai dengan keinginan mereka. Mereka thawaf di keliling Baitullah dengan telanjang, mengharamkan memakan lemak dan makanan-makanan lainnya kecuali makanan pokok. Segolongan mereka tidak mau wuquf di Arafah bersama mereka, kerana mereka berkeyakinan bahawa mereka lebih tinggi dan lebih mulia dari orang lain, kerana itu tidak patut mereka turun ke derajat yang rendah bersama orang lain itu, dalam melaksanakan cara beribadat dan wuquf bersama di daratan tinggi yang sama, padahal dalam beribadat kepada Allah Yang Maha Esa, semua manusia adalah sama derajatnya di hadapan keperkasaan dan kekuasaan-Nya.

NABI MUHAMMAD S.A.W.

MEMPERBAHARUI SERUAN NABI IBRAHIM A.S.

Datanglah setelah itu Nabi Muhammad s.a.w. dengan memperbaharui Agama Nabi Ibrahim a.s. dan seruannya, iaitu seruan yang benar tentang ketuhanan, seruan persamaan diantara sekalian manusia, dan seruan yang tidak memberatkan dan membolehkan menikmati kesenangan hidup yang baik.

قل انني هداني ربي الى صراط
مستقيماً بينا قيمانة ابراهيم حنيفاً
وما كان من المشركين • قل ان
صلاتي ونسكي ومحياي وماتي لله
رب العلمين • لاشريك له
(الانعام: ١٦١-١٦٣)

Maksudnya:-

“Katakanlah: Sesungguhnya aku telah dipimpin oleh Tuhanku kepada jalan yang lurus, (iaitu) agama yang benar, agama Ibrahim yang lurus, dan Ibrahim itu bukanlah termasuk orang-orang yang musyrik.” Katankanlah: “Sesungguhnya sembahyangku, ibadatku, hidupku dan matiku hanyalah untuk Allah, Tuhan semesta Alam. Tiada sekutu baginya”.

(S. A-An'aam ayat 161-163)

وما جعل عليكم في الدين
من حرج ملة ابيكم ابراهيم
(الحج: ٧٨)

Maksudnya:-

“Dan Dia tidak menjadikan untuk kamu dalam agama suatu kesempitan. (Ikutilah) agama orang tuamu, Ibrahim.”

(S. Al-Hajj ayat 78)

قل من حرم زينة الله التي اخرج
لعباده والطيبات من الرزق
(الاعراف: ٣٢)

Maksudnya:-

“Katakanlah: “Siapakah yang mengharamkan perhiasan dari Allah yang telah dikeluarkan-Nya untuk hamba-hambaNya dan (siapa pulakah yang mengharamkan) rezki yang baik.”

(S. Al-A'raaf ayat 32)

يبني آدم خذوا زينتكم عند كل
مسجد وكلسوا واشربوا ولا تسرفوا
(الاعراف: ٣١)

Maksudnya:-

“Hai anak Adam! pakailah pakaianmu yang indah disetiap (memasuki) masjid; makan dan minumlah, tetapi jangan berlebihan.

(S. Al-A'raaf ayat 31)

Nabi Muhammad s.a.w. datang membawa ajaran-ajaran tersebut setelah kaum itu dikuasai syirik dan meninggalkan tauhid, setelah mereka mempunyai cara-cara haji ke Baitullah yang mereka ada-adakan dan mereka robah-robah dan setelah mereka

menyimpang dari jalan yang lurus. Rasulullah s.a.w. membiarkan mereka melakukan ibadat haji menurut cara-cara mereka dan beliau mengerahkan tenaga beliau untuk mengajak mereka kepada tauhid dan beribadat semata-mata hanya kepada Allah serta mengembalikan mereka kepada agama fithrah. Usaha Rasulullah tersebut dihadapi mereka dengan mengingkari, mendustakan, meyakiti dan menyiksanya, sehingga beliau hijrah bersama-sama dengan orang-orang yang beriman ke Madinah. Dengan berhijrah ini kaum Muslimin tidak dapat lagi beribadat kepada Allah di Baitullahil Haram. Di Madinah Nabi Muhammad s.a.w. bersama sahabat-sahabat terus berjuang untuk menyebarkan dakwahnya hingga Allah s.w.t. memungkinkan mereka untuk membasmi kekuatan syirik dan memberikan kepada mereka jalan kembali ke Mekah. Kemudian mereka dapat menaklukkan Mekah dan memasuki Masjidil Haram dengan aman. Disana mereka kembali mengumandangkan kalimat tauhid dan membersihkannya dari behala-behala dan patung-patung. Hal itu terjadi pada bulan Ramadhan tahun 8 Hijrah.

SYIRIK DAN TAUHID BERKUMPUL DI BAITULLAH

Kaum muslimin telah menaklukkan kota Mekah, memasuki Masjidil Haram, membersihkannya (dari behala) dan beribadat kepada Allah

dengan dasar tauhid yang murni. Akan tetapi sesuai dengan perjanjian Penaklukan Mekah itu mereka memberikan kepada kaum musyrikin yang kalah hak untuk memasuki Masjidil Haram, thawaf dan beribadat disana menurut cara-cara mereka, yakni syirik dalam sujud, syirik dalam Talbiah (membaca Labbaika) dan telanjang diwaktu thawaf.

Berdasarkan perjanjian itu kaum musyrikin melaku ibadat haji bersama kaum muslimin pada tahun Kemenangan itu pada waktu yang sama. Masing-masing golongan menempati satu sudut tertentu di Baitullah. Dalam situasi yang demikian itu berlalulah tahun ke 8 dan datanglah tahun ke 9, dimana haji telah diwajibkan kepada orang yang mampu mengadakan perjalanan kesana, dan banyak pula turun ayat-ayat Al-Quran yang menunjukkan manasik dan tata-cara haji. Dengan demikian bersiap-siaplah jamaah kaum Muslimin - kerana telah sangat rindu kepada haji ke Baitullah - untuk naik haji, dan dengan penuh kesabaran mereka menanti-nanti datangnya musim haji.

RASULLAH TIDAK IKUT NAIK HAJI BERSAMA KAUM MUSLIMIN PADA JAMAAH HAJI PERTAMA INI

Akan tetapi Rasulullah berpendapat bahawa bercampur-baurnya ibadat syirik yang sesat dengan ibadat

tauhid yang lurus di satu Baitullah dan pada waktu kekuasaan Baitullah ini telah berada sepenuhnya ditangan hamba-hamba Allah yang mukmin tidak mengizinkan beliau untuk keluar naik haji bersama jamaah kaum Muslimin. Beliau menginginkan kiranya Allah menetapkan batas waktu bagi adanya percampuran dalam beribadat ini dan memusnahkan ibadat yang sesat itu beserta pengaruh-pengaruhnya dari Baitullah, sehingga Baitullah itu dikhususkan untuk ibadat tauhid yang diperjuangkan oleh Rasulullah bersama sahabat-sahabatnya. Demikianlah pendapat Nabi Muhammad s.a.w. dan beliau penuh harapan bahawa keinginannya itu akan terkabul dan terlaksana.

PERMULAAN SURAT AT-TAUBAH DAN PERJANJIAN KEMENANGAN

Dengan masuknya musim haji pada tahun ke 9, Nabi s.a.w. memilih sahabatnya, Abu Bakar, untuk memimpin jamaah kaum muslimin yang pertama kali secara jamaah menunaikan ibadat haji. Abu Bakar r.a. keluar bersama mereka menuju Mekah, lalu turunlah kepada Nabi s.a.w. permulaan surat At-Taubah, yang mengakhiri bercampur-baurnya ibadat yang sesat dan peraturan-peraturannya yang merusak dengan ibdat berdasarkan tauhid sebagaimana diinginkan oleh beliau.

MENGGUNAKAN KESEMPATAN HAJI UNTUK TABLIGH

Kesempatan berkumpul menunaikan ibadat haji itu digunakan untuk menyampaikan dasar-dasar yang telah dijelaskan dalam surat At-Taubah sebagai pemecahan persoalan tersebut, dan untuk meletakkan persoalan pada proporsi yang sebenarnya. Kemudian Rasulullah s.a.w. mengutus anak pamannya, Ali bin Abi Thalib, untuk menyampaikan dan mengumumkan dasar-dasar tersebut kepada manusia pada hari Haji Akbar. Belum lagi Ali r.a. mendekati Abu Bakar r.a. tahu-tahu Abu Bakar mendengar suara unta tertentu yang dikenalnya lalu berkata: "Ini serupa unta Rasulullah." Setelah Ali r.a. sampai kepadanya beliau berkata kepadanya: "Apakah engkau datang sebagai pemimpin atau sebagai orang yang disuruh?" Lalu Ali menjawab seketika: "Sebagai orang yang disuruh", dan memberi tahukan tentang tugasnya. Demikianlah Abu Bakar dan Ali sampai pada tanggal 8 Dzulhijjah, lalu Abu Bakar r.a. berpidato dihadapan manusia sebagai "Imam Haji" dan memberikan petunjuk kepada kaum muslimin mengenai manasik (ibadat) mereka. Dan pada hari Nahar, Ali r.a. berdiri - atas petunjuk Abu Bakar - disisi Jumrah Aqabah dan berkata: "Hai manusia, - diantara mereka ada yang mukmin dan ada yang kafir - sesungguhnya saya ini adalah utusan Rasulullah kepadamu." Lalu mereka bertanya: "Untuk apa?" Maka

Ali r.a. membacakan kepada mereka ayat-ayat permulaan surat At-Taubah. Kemudian beliau berkata: "Saya diperintahkan untuk menyampaikan empat hal; iaitu: seorang yang kafir tidak akan masuk syurga, seorang yang musyrik tidak akan naik haji sesudah tahun ini, seorang yang telanjang tidak boleh thawaf di Baitullah, dan siapa yang mempunyai perjanjian dengan Rasulullah maka perjanjian itu tetap berlaku sampai habis waktunya."

DASAR-DASAR DIKANDUNG OLEH SURAT AT-TAUBAH

Ayat-ayat dari surat At-Taubah yang dibacakan oleh Ali r.a. kepada umum itu mengandung hal-hal sebagai berikut:

- Pertama: menetapkan pemutusan hubungan dan hilangnya hak perlindungan terhadap kaum musyrikin dan harta bendanya.
- Kedua: memberikan kepada mereka kesempatan damai selama empat bulan.
- Ketiga: Mengumumkan kepada sekalian manusia pada hari Haji Akbar itu pemutusan hubungan tersebut.
- Keempat: menunggu selesainya masa perjanjian bagi orang yang mempunyai perjanjian serta memelihara perjanjian itu.
- Kelima: Hal-hal yang harus dilakukan terhadap kaum musyrikin sesudah habisnya masa damai atau selesainya masa perjanjian apabila mereka

tidak memeluk agama Islam.

- Keenam: Memberikan jaminan keamanan kepada orang yang meminta keamanan diri mereka.
- Ketujuh: Menyelesaikan sebab-sebab yang mengharuskan pemutusan hubungan dengan mereka dan pelanggaran-pelanggaran yang mereka lakukan.

• لا يرقبون في مؤمن إلا ولا ذممة
• (التوبة: ١٠)

Maksudnya:-

"Mereka tidak memelihara (hubungan kerabat) terhadap orang-orang mukmin dan tidak (pula mengindahkan) perjanjian."

(S. At-Taubah ayat 10)

انّما المشركين نجس فلا
يقربوا المسجد الحرام بتد
عامهم هذا •

• (التوبة: ٣٠)

Maksudnya:

"Sesungguhnya orang-orang yang musyrik itu najis, sebab itu janganlah mereka mendekati Masjidil Haram sesudah tahun ini."

(S. At-Taubah ayat 28)

Dan berkenaan dengan kaum mukminin surat At-Taubah mengandung pula dua hal yang mempunyai peranan didalam mencapai kemuliaan dan kekuatan yang dikehendaki Allah s.w.t., iaitu:

Pertama: Memperkuat jiwa dan moril

mereka dalam melaksanakan dasar-dasar tersebut.

Kedua: Menghilangkan prasangka yang mungkin timbul dalam fikiran kaum muslimin bahawa keluarnya kaum musyrikin dari Mekah, sedang mereka adalah pemegang kunci perniagaan dan harta, akan memutuskan jalan rezki bagi kaum Muslimin.

وان خفتهم عيلة فسوف يثنيكم
الله من فضله ان شاء .

• (التوبة: ٢٨)

Maksudnya:-

“Dan jika kamu khawatir menjadi miskin, maka Allah nanti akan memberikan kekayaan kepadamu dari kurniaNya, jika Dia menghendaki.”

(S. At-Taubah ayat 28)

TABLIGH YANG TEGAS MEMENUHI FUNGSINYA

Dengan tabligh tersebut telah diumumkanlah putusan terakhir dari kalimat Tauhid pada jamaah haji kaum Muslimin yang pertama dan selesailah perpisahan antara syirik dan iman. Dan belum lagi tersiar hal itu dikalangan manusia umumnya tahu-tahu kota (Mekah) telah penuh sesak dengan delegasi-delegasi dari kabilah-kabilah yang menyatakan masuk Islam dan bebas dari syirik.

Demikianlah hasil dari ketegasan, dan akibat ketegasan perintah dari orang-orang yang mengetahui arti

ketegasan. Cukuplah bagi mereka mengumumkan perintahnya, dan manusia akan mengetahui bagaimana kuatnya tekad dan kemauan mereka untuk melaksanakannya.

Kemudian, inilah sejarah haji pertama bagi jamaah kaum muslimin, dimana dua perisai yang kuat telah bekerjasama untuk menyampaikan (perintah-perintah), iaitu Ali r.a. dan Abu Bakar r.a., dan kaum musliminpun ikut bekerjasama untuk melaksanakan perintah itu. Dengan demikian sempurna kalimat Allah s.w.t. di Jazirah Arab, dan disembahlah Tuhan Yang Maha Esa di Baitullahi Haram. Pada tahun ke 10 berangkatlah Nabi s.a.w. memimpin kaum muslimin untuk naik haji ke Baitullah dimana beliau mengajarkan manisiknya kepada mereka dan memahkotai risalahnya dengan khutbahnya yang lengkap, dan turunlah firman Allah s.w.t.

اليوم اكملت لكم دينكم واتممت

عليكم نعمتي ورضيت لكم

الاسلام ديناً .

• (المائدة: ٣)

Maksudnya:-

“Pada hari ini telah Ku sempurna untuk kamu agamamu, dan telah Ku-cukupkan kepadamu nikmat-Ku, dan telah Ku-redhai Islam itu menjadi agama bagimu.”

(S. Al-Maaidah ayat 3)

Apakah kaum muslimin mau membaca halaman sejarah ini, dan mau


memahami ayat-ayat dan kata-kata dalam surat At-Taubah itu, apa yang harus mereka kerjakan bersama-sama untuk menyampaikan dan melaksanakan isinya, untuk menyelamatkan barisan-barisan mereka yang berselerakan, kesatuan-kesatuan mereka yang kocar-kacir dan umat-umat mereka vana tersiksa? Anakah

mereka mau memahami yang demikian itu dan menggunakan kesempatan naik haji sebagai jalan untuk menyatukan kata, menghimpun kekuatan dan memusatkan jamaah itu atas dasar yang mulia dan terhormat?

(BERSAMBUNG)

DARI: TUNTUNAN ISLAM.

Prof. Mahmoud Svaltout



Masjid Al-Kheef di Mina.

DUGAAN DALAM MEMILIH JODOH

Renungan buat para remaja muslimah:

Sudah menjadi lumrah bahawa setiap gadis yang sampai keperingkat usia memilih jodoh, maka berbagai-bagailah fikiran yang timbul dari benaknya untuk memilih bakal teman hidupnya dimasa hadapan dan yang mempunyai sifat-sifat yang tertentu. Diantara mereka ada yang ingin mendapatkan suami yang kakak, tampan dan menarik. Manakala yang lain pula ingin bersuamikan orang berharta yang dapat melayani kemahuan-kemahuannya sehingga dapat memuaskan kehendak hawa nafsunya; baginya kecantikan dan akhlak tidak penting. Terdapat pula gadis yang berminat bersuamikan seorang yang berketurunan bangsawan, berpangkat dan mempunyai kedudukan yang baik dalam masyarakatnya supaya ia selalu disebut-sebut orang "Inilah isteri si-pulan bin si-pulan" dengan ini gembiralah hatinya dan berbahagialah ia, kerana di kaitkan namanya dengan keturunan dan pangkat suaminya yang baik-baik. Tetapi seorang anak gadis



Pilihlah lelaki mempunyai pengetahuan agama.

WAHAI PUTERI ISLAM
SUPAYA KAMU MEMILIH SEORANG TEMAN
HIDUP YANG MEMPUNYAI PENGETAHUAN AGAMA.

yang matang fikirannya memilih seorang lelaki yang berpendidikan agama dan bertanggungjawab terhadap dirinya dalam urusan keduniaannya. Inilah pilihan yang tepat baginya kerana agama adalah sebagai pembimbing dan penyuluh baginya untuk penghidupannya di masa hadapan. Pada ketika yang bersemangat ini marilah wahai puteri Islam saya bisikkan di telinga kamu supaya kamu memilih seorang teman hidup yang mempunyai pengetahuan agama! Kenapa dan mengapa ia menjadi pilihan anda?

1. Kerana jika kecantikan seorang itu menjadi pilihan anda, maka kecantikannya itu akan mengkaburkan pandangan anda ketika anda berjauhan dengannya dan tidak ada kaitannya langsung dengan apa yang anda harapkan sehingga apabila nikah nanti akan ternyatalah segala tingkah lakunya yang kurang menyenangkan di hadapan anda, dari apa yang anda pandang indah di waktu-waktu sebelum kahwin dulu. Ingatlah wahai gadis, bahawa kecantikan ini tidak akan kekal, mungkin berlaku satu perkara yang mengubah kecantikannya kepada kehodohan. Maka terjadilah perpisahan antara anda dan dia kerana hubungan anda dan dia selama ini ialah

atas dasar kecantikannya sahaja.

2. Dan jika orang kaya menjadi pilihan anda, dan membuat ia berusaha siang dan malam untuk mendapatkan harta yang lumayan bagi melaksanakan keinginan-keinginan anda sehingga menyebabkan ia tidak tahu membezakan di antara harta yang halal dan yang haram, dan akibatnya Allah akan murka terhadap anda berdua maka berlakulah kerugian yang besar dalam kehidupan anda. Ini tidak dapat di nafikan bahawa nasib anda akan berlaku sama seperti nasib gadis yang hanya memilih kecantikan menjadi teman hidupnya.

3. Begitu juga nasib gadis yang pilihannya seorang teruna yang mempunyai keturunan baik dan berpangkat besar, dan akibat dari kebanggaannya dengan keturunan dan kedudukan suaminya di sisi masyarakatnya, Allah akan menambahkan ia dengan penghinaan sebagai ganti dari kemuliaan yang diharap-harapkan selama ini. Anda akan mendapati layanannya yang jelek dan membosankan. Dia seorang yang berketurunan bangsawan dan berkedudukan baik di kalangan masyarakat sedangkan anda akan bertukarlah penghidupan anda kejurang kecelakaan.

Berbahagiailah gadis yang memilih bakal suaminya seorang yang

berpengetahuan agama dan bertanggungjawab terhadap penghidupannya. Dan jika ia kasihkan anda dia menghormati anda, jika ia bencikan anda dia tidak akan menghina anda. Dan anda akan mendapati layanannya yang baik. Budi pekertinya dan tingkah lakunya menyenangkan hati anda. Tutar katanya yang lembut menggambarkan kemuliaan jiwanya dan kehalusan budipekertinya.

Hati-hatilah wahai gadis yang akan memilih bakal teman hidupnya di masa hadapan, pilihlah mereka yang berpendidikan agama dan yang bertanggungjawab. Ketahuilah bahawa

suamimu adalah syurga bagimu dan ia juga neraka bagi kehidupanmu

Ingatlah wahai puteri Islam! Kita mempunyai kebebasan untuk memilih, di samping kita di kurniakan oleh Allah akal untuk memikirkan sesuatu yang baik. Buatlah pemilihan yang tepat supaya hidup anda di hari muka nanti senantiasa didalam kebahagiaan dan diredhai Allah dan dihormati oleh makhluk-makhlukNya.

“Wallahu A’lam”.

Petikan dari: Majalah Al-Mujtama’
Alih Bahasa

Oleh: Ustazah Rohani Awi.

SAJAK

RUANGAN MUSLIMAH

*TUHAN membawa manusia,
kedalam air yang dalam,
bukan untuk menenggelamkannya,
melainkan untuk menyucikannya.*

*TUHAN tidak memberi penderitaan
melebihi batas kekuatan ummatnya.*

*Sahabatku Muslimah, apabila kita labah,
dan taqat dan bersyukur,
nikmatNya yang paling kecil
sekalipun nescaya segala
dugaanNya akan berakhir.*

oleh: (UMMU NUHA)

MAKRUF DAN MUNKAR

BAHAGIAN PERTAMA

AMAR MAKRUF NAHI MUNKAR

“Hendaklah kamu tergolong dalam umat yang mengajak pada kebaikan, menyuruh mengerjakan yang makruf (yang baik-baik) dan mencegah membuat yang munkar (yang jahat). Mereka itulah orang-orang yang berjaya (menang).”

(Ali Imran: 104)

Dipandang dari sudut Syariah, perkataan Amar Makruf, Nahi Munkar itu sudah menjadi istilah yang merupakan ajaran pokok agama Islam, malah menjadi tujuannya yang utama.

Mengenai hal ini, Abul A'ala al Maududi berkata: “Tujuan yang utama dari Syariah ialah untuk membangun



Seorang lelaki membelasah wanita yang tak berdosa.

kehidupan manusia diatas dasar Makrufaat (kebaikan-kebaikan) dan membersihkan dari hal-hal yang Munkarat (kejahatan kejahatan)."

Istilah makrufaat (jamak dari makruf) itu menunjukkan semua kebaikan dan sifat yang baik yang sepanjang masa diterima oleh hati nurani manusia sebagai sesuatu yang baik. Sebaliknya, istilah Munkaraat (jamak dari munkar) menunjukkan semua dosa dan kejahatan yang sepanjang masa telah dikutuk oleh watak manusia sebagai satu hal yang JAHAT. Pendeknya, Makruf itu adalah serasi atau sesuai dengan umumnya watak manusia dan keperluan keperluannya, sedang Munkar ialah sebaliknya. Syariat memberikan satu pandangan yang jelas tentang Makrufaat dan Munkaraat itu dan menyatakannya sebagai norma-norma yang padanya harus disesuaikan perilaku seseorang dan masyarakat.

Keterangan-keterangan dalam hadis banyak memerintahkan supaya menyuruh berbuat baik dan melarang berbuat jahat. Malah perbuatan Amar Makruf Nahi Munkar dinyatakan lebih tinggi nilainya daripada JIHAD membunuh orang yang ingkar.

Abu Zar-al Ghiffari berkata: "Abu Bakar Siddiq r.a. bertanya kepada Nabi: 'Ya Rasulullah! Adakah jihad yang lain selain memerangi orang-orang musyrikin, orang yang mempersekutukan Tuhan?'"

Rasulullah menjawab; "Ada, hai Abu Bakar!, Bahawanya Allah Taala

mempunyai pejuang-pejuang (mu-jahidin) dimuka bumi ini, yang lebih utama daripada pahlawan-pahlawan yang hidup, yang memperoleh rezeki, yang berjalan di atas bumi, Allah berbangga dengan mereka Dihiasi (disediakan) untuk mereka itu syurga."

Abu Bakar bertanya lagi, "Siapakah mereka itu, Ya Rasulullah?" Nabi menjawab: "Orang-orang yang menyuruh berbuat baik (makruf) dan melarang berbuat jahat (munkar), berkasih kasihan pada jalan Allah dan marah pada jalan Allah."

Pada hadis yang tersebut, Rasulullah menegaskan, bahawa bakti orang yang melakukan Amar Makruf-Nahi Munkar itu adalah suatu JIHAD yang mempunyai nilai yang tinggi pada sisi Allah.

Marilah kita renungi akan keistimewaan ajaran Islam ini. Tugas dan kedudukan kaum Muslimin dalam menghadapi tanggungjawab kemasyarakatan ditegaskan didalam Al-Quran yang bermaksud:- "Kamu adalah umat yang paling baik yang dilahirkan untuk kepentingan manusia, menyuruh mengerjakan yang baik (makruf) dan melarang membuat yang jahat (munkar), serta beriman kepada Tuhan."

(Ali Imran: 110)

Pada ayat tersebut ditegaskan oleh Tuhan, bahawa kaum Muslimin mempunyai kedudukan yang tinggi di tengah-tengah umat manusia, sebab mereka mempunyai TIGA sikap yang

nyata, iaitu:-

1. Menyuruh berbuat baik,
2. Melarang berbuat jahat,
3. Beriman kepada Allah.

Disinilah terletak keistimewaan ajaran Islam, kerana ketiga sikap hidup yang positif itu tidaklah dijumpai pada ajaran-ajaran agama yang lain.

Tidak ada agama lain yang mengajarkan begitu tegas, bahawa **MENYURUH BERBUAT BAIK DAN MELARANG BERBUAT JAHAT** sebagai satu kewajiban peribadi bagi tiap-tiap pemeluknya seperti yang diajarkan oleh Islam.

Islam adalah agama yang mengandungi ajaran-ajaran kemasyarakatan, yang dapat mengatur hubungan antara manusia dengan manusia laksana **SATU TUBUH, JIKA SEBAHAGIANNYA MENDERITA SAKIT, MAKA SELURUH TUBUH AKAN MERASAKANNYA.**

(Maksud Hadis)

Tidak cukup seorang Muslim menjadi seorang yang baik saja, yang hanya hidup untuk kebahagiaan dan kemanfaatan dirinya. Tetapi di samping itu ia harus memberikan bahagia dan manfaat kepada manusia yang lain, dengan jalan menyuruh orang berbuat baik seperti kebaikan yang diperbuatnya sendiri untuk dirinya.

Tidak cukup seorang Muslim sekadar mencegah dirinya sendiri tidak berbuat jahat, tetapi dia harus pula melarang manusia yang lain supaya jangankan melakukan kejahatan.

Inilah yang kita maksudnya dengan keistimewaan ajaran Islam. Justru kerana keistimewaan ajaran Islam yang demikian, maka kaum Muslimin dikurniakan Tuhan kedudukan yang paling baik diantara umat-umat dalam sejarah dari abad ke abad.

Bagaimana cara pelaksanaan Amar Makruf Nahi Munkar? Cara pelaksanaan Amar Makruf Nahi Munkar itu telah diberikan oleh Tuhan PEDOMAN garis besarnya, seperti yang disebutnya dalam Al-Quran yang bermaksud:-

“Ajaklah (manusia) pada jalan Tuhan dengan bijaksana dengan pengajaran yang baik, dan bertukar fikiranlah dengan mereka menurut cara yang sebaik-baiknya.”

(An-Nahl: 125)

Pada ayat tersebut ditegaskan tiga jalan yang harus ditempuh, iaitu:-

1. Bijaksana.

Maksudnya: dengan ilmu dan hikmat

2. Pengajaran yang baik.

Ia itu, pengajaran-pengajaran yang berdasarkan pada pertimbangan buruk baik, untuk diri maupun masyarakat.

3. Perbincangan.

Yakni, mengadakan pertukaran fikiran dengan cara yang baik dan sopan, mengadu dalil dengan hujah-hujah, dan dengan hati terbuka. Contoh-contoh tentang ini akan diuraikan kemudian.

Adapun sasaran Amar makruf, nahi munkar, dalam garis-besarnya terbahagi dua:

Pertama: Umat Islam mengajak umat-umat yang lain untuk mengerjakan kebaikan dan menjauhkan diri dari kejahatan, dengan niat yang suci untuk meratakan nur dan hidayah Illahi di permukaan bumi ini. Dalam ajakan itu ditegaskan, bahwa sumber kebaikan yang memberikan jaminan kenikmatan, rohaniah dan jasmaniah, duniawi dan ukhrawi, ialah ajaran-ajaran Islam.

Ajakan yang demikian, merupakan tugas pokok bagi seorang Muslim sesuai dengan tugas kaum Muslimin yang harus menjadi umat yang memberikan keseimbangan, seperti yang ditegaskan dalam Al-Quran:

“Dan demikianlah KAMI jadikan kamu umat pertengahan supaya kamu menjadi saksi (pemberi keterangan) kepada seluruh manusia.”

(Al-Baqarah: 143)

Menurut keterangan ahli-ahli Taf-sir, sebab-sebabnya kamu Muslimin diberikan predikat umat pertengahan ialah kerana ajaran Islam yang membentuk sikap hidup orang-orang Islam, tidak hanya mementingkan kerohanian saja, atau kebendaan semata-mata, tetapi berdiri ditengah-tengah antara keduanya. Iaitu, membuat keseimbangan antara kepentingan kehidupan didunia dengan diakhirat, antara kerohanian dengan kebendaan, antara perseorangan dengan masyarakat.

Kedua: Umat Islam mengajak sesamanya (kaum Muslimin), saling ingat-mengingat sebagai saudara,

saling menyuruh mengerjakan yang makruf dan melarang memperkuat yang munkar.

Dalam pelaksanaannya ada dua jalan yang ditempuh:

1. Jalan yang umum:
2. Jalan yang khas.

Jalan yang umum dan berlaku untuk orang yang awam (kebanyakan), ialah dengan memberikan keterangan-keterangan serta penjelasan-penjelasan yang sesuai dengan daya-tangkap

TIDAK CUKUP MENCEGAH DIRINYA SENDIRI TIDAK BERBUAT JAHAT, TETAPI DIA HARUS MELARANG MANUSIA YANG LAIN SUPAYA JANGAN MELAKUKAN KEJAHATAN.

fikirannya, dengan mengemukakan contoh-contoh serta perbandingan-perbandingan yang mengetok hulu hatinya, yang memberikan kesan kedalam jiwanya, sesuai dengan keadaan dan suasana.

Cara ini tentulah hanya dapat dilaksanakan oleh orang yang tertentu, yang mempunyai persediaan ilmu dan hikmat.

Adapun yang dimaksudkan dengan jalan yang kedua, jalan yang khas, iaitu ajakan yang dilakukan antara beberapa orang dengan terbatas. Antara dua orang yang bersahabat umpamanya, yang seorang memperingati kawannya

ketika berpaling dari perbuatan yang makruf atau ketika melakukan pekerjaan yang munkar.

Semua ini adalah juga dalam rangka "nasihat-menasihati dengan kebenaran, dan nasihat-menasihati dengan kesabaran."

(Surah Al-Ashr)

Masing-masing melakukannya, menurut kemampuan dan kesanggupannya (Tafsir Al-Manar, jilid IV, hal. 28).

Contoh kebijaksanaan Rasulullah

Sebagai gambaran tentang dasar Amar makruf, nahi munkar itu, dapatlah kita kemukakan peristiwa kebijaksanaan Rasulullah sebagai berikut:-

Kisah seorang perompak:

Pekerjaannya ialah memecah rumah orang di waktu malam. Mencari dan merompak sudah menjadi penghidupannya.

Pada suatu ketika, laki-laki itu datang menemui Rasulullah untuk menyatakan masuk Islam. Ia bersedia mengucapkan dua kalimah syahadat, tetapi dia menyatakan keberatan dirinya untuk menghentikan pekerjaan mencuri dan merompak.

Permintaannya masuk Islam itu diperkenakan oleh Rasulullah, tanpa menyinggung kehidupannya sebagai seorang pencuri dan perompak. Hanya dengan secara bijaksana Rasulullah pun bertanya kepadanya:

"Bersediakah engkau berjanji

tidak akan berdusta."

"Bersedia!" jawab laki-laki itu.

"Baiklah, Permintaan mu masuk agama Islam telah diterima," tegas Rasulullah, sesudah laki-laki itu mengucapkan dua kalimah syahadat.

Kemudian laki-laki itu pun pergilah meninggalkan Rasulullah. Ditengah jalan dia pun selalu berfikir:

"Alangkah mudanya permintaan Rasulullah kepadaku, cuma: jangan berdusta."

Pada malam yang lain, laki-laki itu hendak menjalankan "gerakannya" seperti biasa, memecah rumah orang untuk merompak dan mencuri. Pada saat itu, teringatlah laki-laki itu bahawa Rasulullah telah menerimanya menjadi umat Muhammad. Dia sudah mengetahui bahawa menurut ajaran Islam, setiap orang yang mencuri akan dijatuhi hukuman, tangan di potong.

Fikirannya menerawang lebih jauh dan berkata pada dirinya sendiri, "Kalau besok Rasulullah menanyakan: Kemana saya pergi tadi malam, bagaimanakah jawab saya? Kalau saya katakan bahawa saya pergi merompak, pasti akan dijatuhkan hukuman kepada saya.

Sebaliknya, kalau saya berdusta, bukankah saya telah berjanji kepada Rasulullah sendiri, bahwa saya tidak akan berdusta."

Akhirnya, hidayah Tuhan menembus ke dalam dadanya, sehingga diundurkannya maksudnya pada malam itu untuk mengadakan "gerakan mencuri" seperti yang biasa dilakukannya. Bukan

saja untuk malam itu, malah untuk selama-lamanya, sehingga laki-laki itu kemudian menjadi seorang yang baik dan saleh.

Kisah ini menunjukkan, bahwa dengan approach atau cara yang baik, yang dilakukan dengan hikmat dan kebijaksanaan, dengan memberikan huraian-huraian yang mengandungi pengajaran, yang dapat mengetok huluhati, maka hasil satu sistem Amar Makruf, nahi munkar, seperti yang diterangkan itu, telah mencapai tujuannya.

Merubah kemunkaran

Pada huraian tadi dijelaskan perintah dan cara-cara mencegah kemunkaran.

KEJAHATAN ADA KALANYA AKAN TERJADI ATAU SUDAH TERJADI MENCEGAH KEJAHATAN SUPAYA JANGAN TERJADI DISEBUTKAN TINDAKAN MENCEGAH, IAITU DENGAN MENGADAKAN TINDAKAN PERSIAPAN SUPAYA SESUATU KEJAHATAN TIDAK TERJADI.

Sesuatu kejahatan ada kalanya akan terjadi atau sudah terjadi. Mencegah kejahatan supaya jangan terjadi disebutkan tindakan mencegah, iaitu dengan mengadakan tindakan-tindakan persiapan supaya sesuatu kejahatan tidak terjadi.

Adapun jika kejahatan itu sudah terjadi maka tindakannya bukanlah ter-

batas dalam ruang lingkup mencegahnya lagi, tetapi sudah bersifat merubahnya. Menurut istilah hukum dinamakan represif, iaitu tindakan setelah terjadi kejahatan.

Mengenai soal yang kedua ini, tentang tata-cara merubahnya dan tingkat-tingkatnya, ada dijelaskan dalam sebuah hadis yang diriwayatkan oleh Muslim dari Abu Sa'id al Khudri, sebagai berikut:-

“Barangsiapa di antara kamu yang melihat kemunkaran, maka hendaklah dirubahkannya dengan tangan kalau tidak kuasa (merubah dengan tangan), dirubah dengan perkataan: jika tidak juga mampu, dirubah dengan (didalam hati). Yang demikian adalah keimanan yang paling lemah.”

(Riwayat Muslim)

Pada hadis tersebut digariskan tiga macam cara dan tahap merubah kemunkaran itu, iaitu:-

Pertama: dirubah dengan tangan.

Maksudnya, dengan kekuasaan. Kalau seseorang umpamanya memegang kekuasaan, sama ada sebagai Penghulu, Pegawai Daerah, Polis, Jaksa, Hakim, Menteri, Presiden dan lain-lain, hendaklah dirubahnya dengan kekuasaan yang di amanahkan kepadanya. Mereka tidak boleh membiarkan sesuatu kejahatan tanpa di-tindak.

Apalagi jangan sampai terjadi seperti kata peribahasa sokong mem-bawa rebah atau pagar makan tanaman, iaitu yang harus bertindak merubah kejahatan, turut pula melin-

dung atau menggalakkan kejahatan itu.

Demikianlah pengertian merubah dengan tangan. Jadi, tidaklah boleh bertindak secara liar. Umpamanya, kalau kelihatan orang sedang bermain judi, lalu diserbu dan lain-lain. Tetapi semua harus dilandaskan pada hukum.

Kedua: dirubah dengan lisan (perkataan).

Tugas ini terpikul, terutama sekali di atas pundak pemimpin-pemimpin untuk merubah kejahatan dengan perkataan, percakapan.

Tidaklah perlu mempergunakan kata-kata yang pedas, kasar dan yang meletap-letup. Kadang-kadang kata-kata bersayap atau kata-kata sindiran lebih berhasil daripada ucapan-ucapan yang berdegar.

Ketiga: dirubah dengan (dalam)

hati.

Kerana tidak mempunyai kekuasaan, tidak ada forum tempat mengeluarkan fikiran, maka sekurang-kurangnya dirubah didalam hati. Ini pun adalah pertanda tentang kekecilan jiwa, kelemahan iman.

Mencegah dengan hati itu tidaklah bererti pasif. Tetapi, harus ada usaha-usaha aktif yang terbatas, sekurang-kurangnya menjaga supaya diri sendiri, isteri, anak, keluarga, jiran dan lain-lain, tidak pula turut melakukan kejahatan itu.

(BERSAMBUNG KELUARAN AKAN DATANG.)

OLEH: SAADI.

DOA MASUK KAKUS (TANDAS)

اللَّهُمَّ إِنِّي أَعُوذُ بِكَ مِنَ الْخُبْثِ وَالْخَبَائِثِ

Allahumma inni Auuzubika minal khubsthi wal khabaaisthi.

Artinya:-

Ya Tuhanku, aku berlindung denganMu daripada kekotoran dan kejahatan syaitan lelaki dan syaitan perempuan.

(Hadis riwayat Bukhari dan Muslim dari Anas bin Malik)



Kerana terlalu banyak berfikir, tekanan jiwanya semakin melarat.

PENYAKIT JIWA

OLEH:

Hussin bin Haji Ghaffar.
Kuliah Dakwah & Usuluddin,
Universiti Islam Madinah.

Penyakit jiwa merupakan penyakit individu yang mudah mengingapi seseorang insan. Penyakit ini sering mendatangi seseorang dengan berbagai cara keadaan, kerana penyakit ini susah hendak dikenali sepertimana kita mengenali penyakit-penyakit biasa seperti luka, sakit jan-

tung, cacar dan lain-lain. Maka cara untuk mengenali penyakit ini ialah setelah ianya diteliti dengan menggunakan ilmu jiwa atau dengan rawatan oleh doktor jiwa.

Dalam negara yang sedang membangun ini tidak ramai manusia yang mengenali penyakit jiwa ini. Apa yang

sering mereka perhatikan dari penghidupan manusia seharian hanyalah sifat-sifat seperti pemaarah, iri hati, hasad dengki, penyedih dan lain-lain. Daripada sifat-sifat tadi ianya terus dikatakan bahawa orang itu pemaarah, orang itu suka iri hati, dan orang itu penyedih tanpa mempersoalkan sebab terjadinya perkara tersebut. Kerana kita tidak boleh bertolak dari kekuasaan mutlak Yang Mencipta naluri manusia ini, tapi kita harus mengkaji sebab musababnya.

Pakar-pakar ilmu jiwa belum lagi sebulat suara dan bersependapat dalam memberikan faktor-faktor berlakunya penyakit jiwa ini. Apa yang dapat dikaji dan diteliti dari tingkah laku manusia itu hanyalah dari faktor luaran dan dalaman. Dari kedua faktor inilah yang selalu menimbulkan implikasi keatas individu dalam menghadapi penyakit tersebut. Adapun faktor luaran itu seperti keadaan sekeliling hidupnya yang dapat menyengkam pemikiran dan

DIKAJI DANDITELITI TINGKAH LAKU MANUSIA ITU HANYALAH DARI FAKTOR LUARAN DAN DALAMAN. DARI KEDUA FAKTOR INILAH YANG SELALU MENIMBULKAN IMPLIKASI KEATAS INDIVIDU DALAM MENGHADAPI PENYAKIT TERSEBUT.

jiwanya samada daripada peristiwa, suasana alam, masyarakat dan perhubungan hidup. Kerana daripada keadaan-keadaan boleh mendatangkan tekanan jiwa apabila ianya tidak dapat menyesuaikan dirinya dengan keadaan tersebut.

Seorang ahli ilmu jiwa, Dr. Woodworth dalam bukunya "Psychology" telah menjelaskan bahawa, "jiwa-jiwa manusia tidak terbatas, ianya cukup liat dan fleksibal untuk menerima perubahan sekelilingnya kerana kecerdasan dan daya kemahuan manusia turut campurtangan didalam kegiatan jiwanya dan mengubahnya agar sesuai dengan alam hidupnya." Penjelasan ini menunjukkan keadaan penghidupan sekeliling merupakan faktor luaran yang boleh menekan jiwa manusia dalam menyesuaikan dirinya. Kerana jiwa manusia itu cukup liat untuk menerima keadaan ini yang mana implikasinya bertentangan dengan naluri manusia itu sendiri.

Manakala faktor dalaman pula, kita boleh membuat rumusan di mana setiap insan didunia ini mempunyai perasaan, atau emosi. Dari emosi inilah lahirnya sifat-sifat seperti takut, marah, rasa rendah diri, merasakan dirinya terasing dan lain-lain lagi. Kerana jiwa yang serupa ini amat sensitif sekali jika tindakan-tindakan luar itu bertentangan dengan cara hidupnya. Maka perangsangan dan layanan pendidikan perlu untuk mengelakkan dirinya dari tekanan perasaan tadi. Jika kita tidak memahami perasaan ini akan

menyebabkan jiwanya berubah dari seorang pendiam menjadi bengis, dari seseorang yang bersifat mulia menjadi insan yang bersifat hasad dengki dan pemaarah.

Oleh itu, mari kita kaji apa kata Doktor Jiwa dari Barat, dimana dia menyatakan, "Unsur-unsur asasi jiwa manusia diikuti oleh emosi tertentu yang sesuai dengannya. Umpamanya jiwa lari disertai oleh emosi takut atau benci, dan jiwa yang melawan disertai marah, dan jiwa jantina disertai oleh emosi cinta, kasih dan berahi. Jadi, kata-kata ini jelas sekali kepada kita bahawa emosi merupakan faktor

masalah yang selalu mengancam emosi dan fikirannya. Ada pula manusia yang tidak senang dengan kelebihan dan kesenangan atau kekayaan orang lain lalu ia cemburu dan dengki, sehinggalah ada diantaranya sanggup membunuh orang-orang yang tidak berdosa. Dengan ini apa yang paling menyedihkan sekali ialah apabila seseorang itu kecewa dan hampa dalam hidupnya lalu mencari jalan yang tidak sihat sehingga menyebabkan ia menjadi penagih dadah, mengikut kumpulan-kumpulan jahat dan penjenayah.

Dari kesan-kesan tadi, apakah penyakit jiwa itu saja yang

MENGUBATI PENYAKIT JIWA INI BUKAN AHLI ILMU JIWA TAPI DAPAT MEMBUAT RUMUSAN YANG BERPANDUKAN AL-QURAN SEBAGAIMANA FIRMAN ALLAH TAALA.

dalam yang sensitif apabila ianya diganggu oleh masalah hidup, gangguan perasaan dan kerendahan diri tadi. Dengan ini faktor luaran dan dalaman akan membawa implikasi dan kesan-kesan yang tidak baik kepada seseorang individu.

Adapun akibat dari kedua faktor tadi boleh membawa penyakit jiwa dan ianya akan menimbulkan kesan-kesan yang buruk kepada jiwa seseorang insan. Ada manusia yang hidupnya sering termenung, pendiam, sedih dan suka merintih disebabkan tekanan dan

menyebabkan dia bertindak negatif keatas sesuatu perkara, atau disana ada unsur-unsur lain yang boleh menggerakkan tindakan tersebut? Jika kita tinjau dari suasana kedudukan keluarga dan masyarakat, unsur ini juga boleh menyebabkan seorang itu menghadapi tekanan jiwa. Misalnya, seseorang yang tidak mendapat kasih sayang dari keluarganya, kehidupan mereka selalu huru-hara dan selalu berlaku perbalahan dan pertengkaran antara mereka. Maka hal ini akan mengakibatkan masyarakat memandang hina

kepada mereka, lalu mereka merasakan diri mereka tidak ada maruah dan tempat dalam masyarakat. Oleh sebab tekanan dan masalah inilah maka mereka telah menghanyutkan diri mereka bersama dengan perasaan tanpa maruah dan diketepi oleh masyarakat tadi.

Setiap kejadian yang berlaku di dunia ini ada baik dan buruknya, setiap penyakit ada ubatnya dan setiap yang manis ada pahitnya. Maka penyakit-penyakit yang dialami oleh pesakit jiwa juga ada ubatnya, kerana Rasulullah (s.a.w.) pernah bersabda:-

• كَلِّ دَاءٌ دَوَاءٌ (الحدِيث)

Yang bermaksud:-

“Setiap penyakit ada ubatnya.”

Jadi apakah cara kita untuk mengubati penyakit jiwa ini?

Bagi saya yang bukan ahli ilmu jiwa, saya dapat membuat rumusan yang berpandukan Al-Quran sebagaimana firman Allah Taala:-

وَنُنزِّلُ مِنَ الْقُرْآنِ مَا هُوَ شِفَا

وَرَحْمَةٌ لِّلْمُؤْمِنِينَ ...

(الاسراء : ٨٢)

Yang bermaksud:-

“Dan kami turunkan Al-Quran itu

tidak lain hanya menjadi penyembuh dan menjadi rahmat semesta alam.”

(S: 17; A: 82)

Dari tafsiran tadi jelaslah kepada kita bahawa sumber-sumber ilmu, ayat-ayat dan penggiarannya mempunyai mukjizat sebagai penyembuh segala penyakit. Seheinggakan membaca sebahagian daripada ayat-ayat Al-Quran itu boleh menenangkan jiwa dan fikiran manusia, apa lagi mengambil ayat-ayat Al-Quran itu sebagai ubat. Sebagai seorang Muslim sembahyang juga merupakan ubat yang paling mujarab. Kerana dengan mendirikan sembahyang atau selalu mendekatkan diri kepada Allah boleh membawa keyakinan kita bahawa tiada yang memberi musibah melainkan dengan kehendak Allah dan DIALah yang menyembuh segala penyakit.

Kesimpulan dari apa yang saya huraikan tadi, penyakit jiwa merupakan penyakit individu yang memerlukan layanan perasaan yang cermat dan teliti. Manakala penentuan yang mutlak ialah Allah, dan DIALah yang menjadikan segala penyakit dan DIALah Penyembuh. Bagi kita hanya boleh berusaha dan berikhtiar dalam menyelesaikan segala masalah hidup dan penyakit yang kita alami. Semuga Allah menyembuhkan penyakit jiwa kita Insyallah.

**SAMBUNGAN
DARI KELUARAN YANG LALU**

KEPIMPINAN DALAM ISLAM

16. Berwibawa:- Seseorang pemimpin tidak akan berhasil didalam kepemimpinannya jika dia tidak berwibawa. Orang yang berwibawa adalah orang yang tidak disepelekan, tidak diremehkan, tidak diketepikan atau tidak dianggap rendah, sebaliknya dia selalu dihargai dan disegani. Orang tidak berani dengan begitu saja membantahnya, apa lagi mempermain-mainkannya, baik dimuka maupun dibelakangnya.
17. Selalu didukung:- Orang yang menjadi pemimpin itu tidak dengan begitu saja ia muncul, tetapi didahului dengan dukungan orang-orang yang mempercayai akan kemampuannya. Tanpa pendukung, seseorang itu tidak akan jadi pemimpin. Dia tidak mungkin mengangkat dirinya sendiri kalau tidak ada pendukung. Sebab itulah orang yang ingin berhasil didalam kepemimpinannya, dia selalu memperhatikan dukungan. Dia tidak akan berbuat seandainya tidak didukung, atau tidak disetujui oleh orang-orang yang dipimpinya.
18. Tidak mementingkan diri sendiri:- Pemimpin yang baik itu selalu melihat keberuntungan bersama. Dia tidak akan mengambil kesempatan untuk hanya menguntungkan dirinya sendiri saja, sebaliknya selalu difikirkan bagaimana agar orang-orang lain yang dipimpinya juga mendapat keberuntungan bersama-sama.
19. Toleransi:- Perlu sekali bagi pemimpin untuk bertoleransi, mengalah dalam hal-hal yang kurang prinsipal, menerima apa yang diajukan oleh bawahannya, agar semua orang merasa dihargai. Dia berkenan memberikan apa yang menjadi haknya kepada orang yang sebenarnya tidak berhak atas hal itu, kerana sifat toleransi yang dimilikinya.
20. Pemurah:- Orang yang pemurah suka memberi kepada orang lain.

Dia tidak hanya memikirkan dirinya saja, sebaliknya orang-orang yang dipimpinya itu selalu diperhatikan. Dia menolong walau tidak diminta. Baginya harta kekayaan itu tidak begitu penting, berbanding dengan kesejahteraan dan kebahagiaan orang-orang yang dipimpinya.

21. Senang berbakti:- Sifat senang berbakti adalah sangat baik bagi pemimpin. Kerana berbakti merupakan kesenangannya, dia malah merasakan kebahagiaan bila dapat berbakti. Sama sekali tidak menyusahkannya. Dengan demikian dia sedia berkorban bagi kepentingan orang-orang yang dipimpinya.
22. Pemaaf:- Pemimpin perlu bersifat pemaaf, sebab orang-orang yang dipimpinya itu, walau bagaimanapun penuh dengan kekurangan-kekurangan. Sebab itulah mereka perlukan pimpinan dan bimbingan. Segala kesalahannya tidak boleh terlalu diperhitungkan, sebaliknya hendaklah dijadikan sebagai bahan pemikiran didalam memberikan bimbingan dan pimpinan yang lebih baik nantinya.
23. Penyayang:- Sifat kasih sayang dari seseorang pemimpin terhadap orang-orang yang dipimpinya, menimbulkan sistem kepemimpinan yang sangat harmonis. Dia merasa bahagia bila

dapat melihat orang-orang yang dikasihi dan disayanginya itu dapat hidup dalam keadaan serba baik. Dia akan tidak merasa berat, sebaliknya akan selalu mengembirakan dan menyenangkan walau terpaksa bekerja keras, sebab itu semua adalah untuk anak buah yang disayanginya.

24. Suka melindungi:- Pemimpin dengan orang-orang yang dipimpinya, samalah ibaratnya dengan orang tua dan anak-anaknya. Orang-orang yang dipimpin selalu memerlukan perlindungan. Seandainya pemimpin tersebut bersifat suka melindungi, maka orang-orang yang dipimpinya tidak menemukan kesulitan mendapatkan perlindungan. Demikian juga sang pemimpin tidak akan merasa keberatan memberikan perlindungan, sebab itu adalah kesenangannya.
25. Ikhlas:- Orang yang ikhlas adalah orang yang berbuat sesuatu tidak dengan rasa terpaksa, sebaliknya dengan kesukaan dan kerelaan hatinya, dengan penuh kesediaannya tanpa merasa ditekan, dibebani atau diberati. Dengan sifat ikhlas, dia tidak hanya sekali sekala saja berbuat baik, tetapi sebaliknya dia dapat terus berbuat demikian, sebab hal itu dikerjakannya dengan kehendaknya sendiri.

26. Hidup sederhana:- Sederhana berarti berada pada tingkat yang pantas dan wajar dalam segala hal. Tidak berlebih-lebihan sebaliknya selalu mencarikan titik kebersamaan dengan orang-orang yang berada disekitarnya. Pemimpin yang hidup sederhana tidak akan dicurigai oleh orang-orang yang dipimpinnya. Dengan demikian hal-hal yang negatif dapat dielakkan.
27. Pandai mengatur:- Pemimpin mestilah pandai mengatur dengan cekap dan kemas sehingga dengan demikian semuanya dapat dimanfaatkan dengan semaksimum mungkin. Tidak ada pembaziran. Semuanya dapat digunakan dengan sebaik-baiknya. Ia selalu cermat dalam segala hal.
28. Adil:- Dengan adil dimaksudkan meletakkan sesuatu pada tempat yang semestinya. Adil tidak berarti sama rata, tetapi adalah kesesuaian, kepantasan dan kewajaran. Semuanya disesuaikan dengan haknya. Demikian juga didalam tugas dan kewajiban, disesuaikan dengan kemampuan dan bidangnya masing-masing.
29. Jujur:- Pemimpin yang jujur adalah yang berbicara sesuai dengan yang sebenarnya. Mengakui kesalahan bilamana telah melakukannya. Tidak akan menutupinya dengan kepalsuan.
- Dia tidak berbohong. Kata-katanya selalu dapat dipercaya. Dengan demikian tidak akan ada kecurigaan atau keraguan anak buah terhadap pemimpinnya sendiri.
30. Amanah:- Orang yang amanah adalah orang yang dapat diberikan kepercayaan. Dia tidak akan memperlakukan sesuka hatinya. Dia menyadari bahawa itu bukan haknya. Dia tidak menyeleweng. Ini sangat penting bagi seseorang pemimpin sebab kepemimpinan itu sendiri adalah satu amanah, iaitu amanah dari Allah untuk orang ramai untuk mengatur dan memimpin bagi kesejahteraan dan kepentingan bersama.
31. Berdisiplin:- Pemimpin sangat perlu berpegang kepada peraturan sama ada untuk dirinya sendiri maupun terhadap orang-orang yang dipimpinnya. Kedisiplinan sangat perlu untuk melahirkan keteraturan dan kekuatan. Tanpa kedisiplinan segala-galanya akan menjadi tidak terarah, tidak karuan, tidak menentu dan kucar-kacir.
32. Mampu menutup kelemahan:- Semua orang punya kelemahan, akan tetapi bagi orang yang menduduki jabatan pemimpin, hendaklah mampu menutup segala macam kelemahannya, dengan sebaik mungkin. Ia tidak boleh

menggunakan kepalsuan, tetapi mestilah menutup satu kelemahan dengan satu kepintaran yang lain. Mungkin dia menggunakan cara dengan mengalihkan perhatian orang kepada hal-hal yang dia memang berkebolehan (pakar). Dengan demikian kepercayaan bawahan akan kelebihanannya tidak terjejas.

33. **Punya harga diri:-** Orang yang punya harga diri akan selalu berusaha membuktikan bahawa dia adalah orang baik, dapat dipercayai, tidak menggantungkan sesuatu perkara pada yang lain, dan bersih dari segala macam sifat-sifat yang negatif. Bila harga dirinya meningkat, dia akan selalu memelihara martabatnya dimana saja dia berada: tidak hanya didepan orang-orang tertentu sahaja, dia baik. Dia tidak hanya menginginkan orang menghormatinya di depannya sahaja, sebaliknya dia ingin dinilai dengan nilai yang positif secara terus menerus. Sebab itulah ia akan menjauhkan dirinya dari sifat-sifat yang negatif dan akan selalu meningkatkan kebaikannya.
34. **Pandai menghargai yang lain:-** Semua orang suka dihargai. Dia merasa senang bila orang lain mahu memberikan penghargaan, apabila dia telah mencapai sesuatu prestasi. Pemimpin yang baik akan menggunakan sifat ini

bagi mengembirakan orang-orang yang dipimpinya. Dengan demikian semangat orang tersebut akan meningkat. Dia mudah diarahkan untuk lebih maju dan lebih baik dimasa yang akan datang.

35. **Tidak suka berjanji:-** Semakin banyak seseorang itu membuat janji, semakin mudah dia melupakan dan memungkiri janjinya tersebut. Oleh yang demikian, pemimpin yang baik tidak mahu terlalu mudah membuat janji, mengingat sulitnya memenuhi janji yang telah kita sanggupi. Semakin sedikit janji yang kita buat, semakin mudah kita tepati, dan kemungkinan untuk lupa pun menjadi kecil.
36. **Tidak menunda-nunda:-** Pemimpin yang baik selalu berusaha menyelesaikan tugasnya secepat mungkin, agar tidak bertambah banyak. Tidak perlu dia mengundur-gundurkan waktu. Bila dia dapat menyelesaikan sesuatu problem ketika itu juga, keadaan menjadi lebih simple. Orang lain tidak perlu menunggunya dan tidak perlu berulang kali mencari-carinya.
37. **Mengutamakan kewajiban dari hak:-** Dalam hidup ini ada dua hal yang penting kita perhatikan selalu, iaitu hak dan kewajiban. Hak adalah apa yang kita terima, sedangkan kewajiban pula adalah

apa yang kita tunaikan. Sebahagian orang merebut-rebut hak, dan melalaikan kewajibannya, walau dua hal tersebut tidak dapat dipisahkan, selalu bersama, cuma ada yang dahulu dan ada yang kemudian. Pemimpin yang baik akan mendahulukan kewajiban, dan tidak begitu mementingkan hak. Kerana tidak dapat dipisahkan, walaupun tidak kita cari, dia akan datang sendiri. Dan walau tidak kita ambil didunia ini, maka Allah s.w.t. akan menggantikannya dihari akhirat kelak, sesuai dengan apa yang telah dianjurkan oleh Rasulullah s.a.w. dengan memulainya dari dirinya sendiri. Beliau malah menolak kelebihan-kelebihan duniawi kerana beliau inginkan hak-hak tersebut diberikan padanya dihari akhirat kelak.

38. Merendah diri:- Pemimpin tidak boleh bersikap takabbur. Ia tidak membangga-banggakan dirinya berlebih-lebihan baik dalam sikap, perkataan maupun perbuatan. Tidak tekabbur terhadap orang-orang yang lebih rendah daripadanya. Orang yang lebih lemah, lebih miskin, atau lebih rendah pangkat dan status sosialnya, boleh kita hormati dan dapat kita pertimbangkan pendapatnya. Hal ini tidak akan menjatuhkan martabat kita. Jika kita enggan bersikap demikian

pun martabat kita tidak akan naik kerananya, malah satu kerugian yang nyata mengejar kita, iaitu takabbur. Allah s.w.t telah melarang hambanya dari bersifat takabbur dengan firmanya didalam surat Luqman, ayat: 18:-

ولا تصغر خدك للناس ولا
تمش في الأرض مرحاً إن الله لا
يحب كل مختال
فخور . (لقمان : ١٨) .

Yang bermaksud:- "Dan janganlah engkau memalingkan mukamu, meremehkan orang lain, dan janganlah pula engkau berjalan di bumi dengan congkak dan angkuh (18). Kerana sesungguhnya Allah tidak menyukai orang-orang yang sombong lagi membanggakan diri."

39. Tawakkal kepada Allah s.w.t.:- Sesudah berusaha dengan bersungguh-sungguh, pemimpin akan mendapat berbagai macam hasil, mungkin rendah sekali, mungkin sedang dan mungkin pula baik sekali. Semuanya ini dapat diterimanya dengan tenang dan senang hati, kalau seandainya pemimpin tersebut termasuk orang-orang yang bertawakkal kepada Allah s.w.t. Jika rendah sekali, dia rela akan apa yang telah dipilih oleh Allah s.w.t. dan ditakdirkan atas

dirinya. Jika baik sekali pun dia tidak akan lupa daratan. Dia selalu ingat bahawa itu semua adalah kurnia Allah s.w.t. Allah s.w.t. telah memperingkatkan kita dengan firmanNya dalam surat Al-Bara-ah ayat: 51:-

قل لن يصيبنا إلا ما كتب الله
لنا وهو مولانا وعلى الله
فليتوكل المؤمنون .

(البراءة : ٥) .

Yang bermaksud:- "Katakanlah tidak akan mengenai kami, kecuali apa yang telah ditentukan Allah keatas kami. Allahlah yang menguasai kami. Dan hanya kepada Allah hendaknya orang-orang mukmin berserah diri."

40. Terpimpin:- Orang yang menjadi pemimpin itu sendiri mestilah selalu terpimpin. Ia dipimpin oleh dirinya sendiri dan oleh kekuatan dari luar. Dia seharusnya telah mampu memimpin dirinya sendiri. Disamping itu dia perlu mempunyai pedoman yang kuat tempat berpegang. Dia dapat memilih Al-Quran dan Hadis sebagai sumber pengambilan keputusannya, selain itu, akan lebih baik lagi bilamana dia mahu memohon kepada Allah s.w.t. agar dia selalu didalam pimpinan Allah s.w.t. selalu dibimbing dan diberikan petunjuk-petunjuk yang diperlukannya didalam men-

jalankan kepemimpinannya. Mudah-mudahan dia selalu diberkati Allah s.w.t.

Management

Management adalah ilmu tentang kepemimpinan dalam bentuk aktif. Ia berbicara tentang langkah-langkah dan cara-cara menjalankan pimpinan. Management dapat dibahagikan kepada empat langkah:-

1. Perencanaan (Planning).
2. Pengorganisasian (Organising)
3. Menggerakkan (Actuating)
4. Pengontrolan (Controlling)

1. Perencanaan:- Pemimpin yang akan memulai kerjanya, hendaklah lebih dahulu mengenal orang-orang yang akan dihadapinya atau masyarakat yang akan dibimbingnya, ia hendaklah mempelajarinya sejauh yang perlu, kemudian ia mestilah membuat perencanaan, langkah-langkah yang akan diambilnya bagi mencapai tujuan. Perencanaan memerlukan satu kemahiran. Ini akan didapati dari pengalaman dan ilmu pengetahuan yang dimilikinya. Pemimpin mesti tahu membuat perencanaan yang baik dan sesuai dengan keadaan orang yang akan dihadapinya. Segala perbuatan dan langkah-langkah yang diambil hendaklah sesuai dengan apa yang telah direncanakan. Rencana juga merupa-

kan ukuran buat menilai sejauh manakah keberhasilan sesuatu pekerjaan itu.

2. Pengorganisasian:- Setelah dibuat rencana, maka apa-apa saja yang akan dilakukan jelas dan nyata. Lalu untuk melakukannya diperlukan satu sistem kerjasama, maka diadakanlah pembahagian tugas. Setiap pekerjaan ada yang disertai tanggungjawabnya. Ada yang bertanggungjawab memberikan arahan, ada yang bertanggungjawab menjalankan pekerjaan dan ada pula yang bertugas sebagai pembantu. Dengan pembahagian tugas yang baik dan teratur akan kelihatan siapa yang bertanggungjawab kepada siapa, dan siapa yang bertugas untuk membimbing siapa.

Dibuatlah struktur hubungan antara-bawahan dengan atasan dan sesama bawahan itu sendiri.

3. Menggerakkan:- Apabila rencana sudah ada, orang-orang yang akan melaksanakannya pun sudah ada juga, maka sampailah pada langkah menggerakkan. Untuk menggerakkan ini, pemimpin mestilah tahu bagaimana cara memberikan dorongan kerja yang sebaik-baiknya. Human approach dan human relationship sangat penting sekali. Ilmu psikologi sangat membantu dalam hal ini. Pekerja-pekerja tersebut mesti-

lah digembirakan. Dan sangat perlu sekali diingat bahawa ancaman itu adalah cara yang paling lemah bagi mendorong semangat kerja, sebaliknya pengembiraan-penggembiraanlah yang lebih berkesan. Untuk itu perlu kita ketahui apakah keperluan orang-orang bawahan saat itu, apakah harapan mereka dan apakah kesenangan mereka. Seseorang manusia itu ingin diperlakukan sebagai manusia, ingin meningkat, memerlukan penghasilan yang layak, dan senang akan perasaan keagungan dan tanggungjawab.


4. Pengontrolan:- Setiap waktu perlu diadakan control untuk mengesan apakah pelaksanaan sesuai dengan rencana atau tidak. Kalau seandainya belum sesuai dapatlah segera diadakan perubahan-perubahan yang perlu. Apabila target sesuai dengan hasil, berarti keberhasilan pekerjaan tersebut cukup baik. yang berkewajiban untuk mengadakan kontrol ini adalah pemimpin. Untuk melaksanakan kontrol ini dapat dilakukan sebagai berikut:- ditentukan terlebih dahulu sistem penilai, lalu diadakanlah penilaian terhadap pelaksanaan kerja, kemudian dibandingkan antara pelaksanaan kerja tersebut dengan standard yang dipakai, lalu dilihat penyimpangan yang terjadi, dan seterusnya diam-

billah langkah untuk melengkapikan kekurangan-kekurangan yang terjadi. Kontrol yang baik itu adalah sederhana dan mudah dijalankan, dan dapat mengesan seketika sebarang penyimpangan yang terjadi. Maka dapatlah

segera diadakan koreksi untuk disesuaikan semula dengan rencana.

Disediakan oleh:

(HAJI HASANOEDDIN ABU BAKAR)



PUISI

Permintaan

Jika Kau cabut jua nyawaku
sewaktu aku lena
berilah
sesungguhnya aku akan merasa bangga
kerana mati dalam mengingati-Mu

Jika Kau hentikan jua nafasku
sewaktu aku jaga
berilah aku nafas terakhir
untuk menyebut nama-Mu

Tuhan,
biar bagaimana Kau kehendaki aku mati
berilah aku kesempatan
untuk mengucapkan keagungan-Mu
dengan *La Illah ha Illallahu.*


RUANGAN KESIHATAN

PENCEMARAN ALAM

Pendahuluan

Didalam dunia ini terdapat dua falsafah hidup yang bertentangan. Yang pertama ialah falsafah kebenaran, "hidup untuk makan" dan matlamat akhir ialah menggumpul seberapa banyak harta benda yang boleh, konon untuk mendapat dan menjamin kebahagiaan hidup di dunia ini. Dalam rangkaian usaha untuk mencapai matlamat ini, mereka yang berpegang kepada falsafah ini sering menimbulkan ketentangan keadaan tidak aman dan tenteram, penindasan, pencemaran dan bermacam-macam kerosakan di bumi Allah ini.

Falsafah kedua sangat revolusioner sekali iaitu Agama Haq yang mengatakan hidup di dunia ini sementara saja, tujuan hidup ialah untuk pengabdian tulus kepada kekuasaan Allah Yang Esa dan matlamat hidup ialah untuk mendapat keredhaan Allah supaya bahagian di dunia dan akhirat. Golongan ini terdiri daripada mukmin-mukmin sejati yang disebutkan di dalam Al-Quran sebagai khalifah Allah di bumi ini. Berbeza dengan golongan pertama



Kebakaran juga membuat pencemaran alam yang paling buruk.

tadi, golongan ini sentiasa berhati-hati dalam segala tindak tanduk, sentiasa menegak amal makruf dan mencegah kemungkaran termasuk membendung segala macam perbuatan golongan kebendaan tadi.

Soal pencemaran alam sudah menjadi satu perkara yang menonjol dan membimbangkan dalam abad mutakhir ini. Mengambil berat perkara ini dengan mengorak langkah membendungnya sememangnya sebahagian

rosakan kepada makhluk-makhluk hidup dikawasan tersebut.

Pencemaran terbahagi kepada dua kumpulan besar iaitu pencemaran alam sekitar dan pencemaran alam individu.

Pencemaran alam sekitar

a) Pada seluruh muka bumi (global)

Kira-kira lima puluh batu dari permukaan bumi, terdapat satu lapisan semulajadi ruang angkasa yang



Pencemaran alam sekitar dan disebabkan oleh benda-benda kotor dan sebagainya.

daripada tugas-tugas khalifah Allah dalam rangkaian usaha pengabdianya kepada Allah Yang Maha Berkuasa.

PENCEMARAN

Pencemaran atau pollution dikatakan berlaku apabila muncul sesuatu bahan asing yang mengubahimbangan semulajadi dalam sesuatu kawasan hingga menyebabkan ke-

disebutkan sebagai "stratosphere". Lapisan ini mengandungi bahan kimia OZONE yang bertugas sebagai penapis atau pembendung kekuatan radas kosmik (cosmic radiation) dari angkasa jauh dan pembendung radas ultraviolet dalam sinar matahari. Kedua-dua radas ini membahayakan kesihatan makhluk-makhluk yang hidup di permukaan bumi. Radas kosmik boleh menyebab-

PENCEMARAN UDARA BERLAKU DARI BERBAGAI SUMBER, TERUTAMA INDUSTRI-INDUSTRI KIMIA DAN JENTERA-JENTERA SEPERTI KENDERAAN BIASA, LORI-LORI DAN LAIN-LAIN.

kan penyakit leukaemia dan radas ultraviolet yang berlebihan boleh menyebabkan barah kulit terutama kepada orang kulit putih.

Akibat pertumbuhan industri-industri kimia yang sangat pesat diseluruh dunia terutama industri membuat bermacam jenis spray dan racun makhluk perosak, bahan kimia yang terbuang di udara sebagai bahan buangan ialah fluorocarbon. Bahan ini telah banyak terbuang di angkasa hingga ketahap yang agak tinggi. Beberapa orang saintis yang mengkaji tentang pencemaran udara oleh fluorocarbon ini mengatakan bahan ini ada interaction dengan ozone hingga boleh mengurangkan lapisan ozone tadi. Jika kadar pembuangan fluorocarbon tidak di bendung ketahap yang selamat, adalah dijangka dalam masa kurang dari satu abad lapisan ozone menjadi separuh tebal dari keadaan yang ada sekarang ini. Jika ini benar-benar berlaku, bayangkan saja akibatnya kepada manusia apabila keganasan radas kosmik dan radas ultraviolet tidak terbendung lagi.

Selain dari kedua-dua radas tersebut diatas ada dua lagi radas yang membahayakan. Kedua-duanya adalah hasil ungkapan teknologi manusia iaitu radas X-ray dan radas nuklear. Kedua-dua radas ini boleh merosakkan sel-sel benih pembawa zuriat dan boleh menyebabkan barah seperti leukaemia. X-ray yang digunakan sebagai alat perubatan adalah selamat tetapi kalau terlalu kerap digunakan keatas seseorang individu, boleh merosak kesihatan individu itu. Keburukan radas nuklear dapat dilihat selepas pengebomam Nagasaki dan Hiroshima di Jepun dalam tahun 1945 dan kebocoran logi nuklear di Chernobyl/Kiev, Russia baru-baru ini.

b) Pencemaran Udara

Pencemaran udara berlaku dari berbagai sumber, terutama industri-industri kimia dan jentera-jentera seperti kenderaan biasa, lori-lori dan lain-lain. Pencemaran udara dikawasan bandar merupakan salah satu faktor terpenting menyebabkan sakit peparu termasuk barah peparu (lung cancer)

selain dari bahaya langsung akibat merokok. Pencemaran udara juga berlaku akibat penggunaan gas beracun dalam peperangan, pertanian dan lain-lain lagi. Tragedi gas beracun dari kilang membuat bateri Union Carbide di India baru-baru ini adalah satu contoh yang nyata.

Satu gejala yang baru di kesan akibat pencemaran udara dari berbagai sumber ialah wujudnya hujan asid di beberapa kawasan di dunia ini, merosakkan tanam-tanaman dan membunuh binatang-binatang ternakan.

c) Pencemaran Air

Ini berlaku lebih berleluasa di kawasan perindustrian seperti kilang papan, kilang baja dan juga akibat pembuangan sampah sarap yang tidak teratur. Pencemaran air menimbulkan kerosakan kepada makhluk dalam air seperti ikan dan udang. Selepas peperangan dunai ke 2, di Jepun terdapat banyak kes barah usus dan para saintis perubatan berpendapat ini adalah akibat memakan ikan yang terkena racun kerana pembuangan sampah sarap dan berbagai jenis kimia di Tokyo Bay.

Pencemaran air di sungai atau takongan air menyebabkan penyakit poisoning (heavy metal poisoning) atau penyakit-penyakit berjangkit seperti Typhoid, taun dan dysentery.

Pencemaran alam individu

Pencemaran ini berlaku akibat memasukkan sesuatu dalam badan manusia itu sendiri. Pencemaran yang sering berlaku ialah pencemaran alat penafasan dan pembuluh darah akibat merokok, meminum-minuman keras yang mengandungi alkohol dan menghisap atau memakan dadah dan menghidu gum.

Rokok mengandungi bahan tar dan nikotin selain daripada carbon. Tar dan nikotin adalah punca terpenting penyakit barah peparu, penyakit atherosclerosis dan kerosakan kepada sel-sel otak. Akibat rokok tidak dapat di pertikai lagi.

Alkohol sangat berleluasa sekali penggunaannya. Selain daripada punca utama kemalangan jalanraya dan kerosakan dalam masyarakat, alkohol juga merosakkan organ hati (liver), saraf, sel-sel otak dan menyebabkan seseorang individu itu mudah diserang penyakit jantung dan bermacam-macam lagi akibat buruk.

Bahaya dadah kita semua sedia maklum. Di negara kita hampir setengah juta belia terkait kepada dadah. Bukan saja bahayanya kepada individu penagih dadah, tetapi kepada negara keseluruhannya. Didalam dunia dadah dua gejala baru yang sukar dibendung dan baru muncul ialah

penghiduan gum dan penggunaan dadah kokaine secara hiduan. Kedua-dua ini cepat menghayalkan dan membawa maut dengan mudahnya. Di Amerika Syarikat kokaine hiduan ini lebih murah dan lebih cepat meresap dikalangan penagih dadah dan cepat pula membawa maut. Kokaine jenis ini dinamakan "crack".

KESIMPULAN

Kalau kita renung sejenak berkenaan dengan pencemaran diatas dan gejala-gejala yang timbul akibatnya, kita orang Islam amat beruntung

kerana telah awal-awal lagi diberi amaran tentang bahaya-bahaya ini, bahkan dicegah oleh agama suci Islam. Malangnya orang-orang Islam sendiri banyak mengabaikan amaran dan cegahan ini. Inilah dianya tugas penting bagi para daie dan duat serta semua khalifah Allah di bumi ini untuk mencari strategi penyelesaian keatas masalah diatas sebelum dunia ini pada keseluruhannya ditimpa Allah bencana.

HASIL TULISAN:
DR. WAN ALI MADHI.

"Dan Tuhanmu telah perintahkan, supaya engkau tidak menyembah melainkan kepadaNya semata-mata, dan hendaklah engkau berbuat baik kepada ibu bapa. Jika salah seorang dari keduanya, atau kedua-duanya sekali, sampai kepada umur tua dalam jagaan dan peliharaan mu, maka janganlah engkau berkata kepada mereka (sebarang perkataan kasar) sekalipun perkataan "uff" (yakni "Ah") dan janganlah engkau menengking menyerkah mereka, tetapi katakanlah kepada mereka perkataan yang mulia (yang bersopan santun). Dan hendaklah engkau merendah menghinakan diri kepada keduanya kerana belas kasihan dan kasih sayang mu dan doakanlah (untuk mereka, dengan berkata) "Wahai Tuhan ku! cucurkanlah rahmat kepada mereka berdua sebagaimana mereka telah mencurahkan kasih sayang memelihara dan mendidik ku semasa kecil".

HAJI DAN QURBAN

(1) ولله على الناس حج البيت

• من استطاع اليه سبيلا

• (سورة آل عمران: ٩٧)

(2) انا اعطيناك الكوثر

فمّل لربّك وانححر

• انّ شانك هو الابرار

• (سورة الكوثر)

Maksudnya:

1. Adalah kewajiban manusia terhadap Allah, yakni bagi mereka yang berkesanggupan, supaya mengerjakan haji ke Baitullah. (Q.S. 3:9).
2. Sesungguhnya kami telah memberikan kepadamu nikmat yang banyak. Maka dirikanlah sembahyang kerana Tuhanmu, dan berkorbanlah. Sesungguhnya orang yang membenci kamu, dialah yang terputus (daripada nikmat). (A.S. 108:1,2,3.)

Selepas Hari raya Idulfithri dalam bulan Syawwal, menyusul bulan Zulqaidah dan bulan Zulhijjah. Maka umat Islam diseluruh dunia yang berkesanggupan diwajibkan supaya pergi mengerjakan fardhu haji ketanah suci Makkah. Mengerjakan haji itu bukanlah satu pekerjaan yang ringan. Satu perjalanan yang jauh, melelahkan badan, bahkan mungkin membuat kesal hati seseorang yang lemah iman. Ia memerlukan biaya yang cukup serta ketahanan rohani dan jasmani. Satu pengorbanan besar, kerana hendak menunaikan perintah Allah serta merindukan keredhaan-Nya. Terkenanglah kita kepada peristiwa pengorbanan besar, yang melibatkan tiga unsur pribadi manusia, iaitu: Nabi Ibrahim sebagai Bapak, Nabi Ismail sebagai anak, dan Hajar sebagai ibu. Manakala datanglah perintah daripada Allah kepada Nabi Ibrahim, didalam satu mimpi yang benar, yakni supaya beliau menyembelih anak kandungnya, Ismail a.s., maka baik sang bapak, maupun anak serta bunda kandungnya, sama-sama menyerah diri kepada Allah Yang Maha Kuasa.

Sebagai manusia, bukan alang



Mengkorbankan Haiwan untuk disembelihkan bererti menunaikan kewajipan kita kepada Tuhan.

kepalang beratnya tekanan batin, kena godaan daripada syaitan, untuk mengorbankan anak sendiri, buah hati sibirang tulang, jerat semata bunda kandung. Tetapi apa hendak dikata. Perintah Tuhan diatas segala-galanya. Dengan penuh keimanan dan keikhlasan, anakpun dibawa kepadang penyembelihan, nun diranah bukit Mina. Ismail direbahkan diatas pipinya, pisau dihunus, asma Allah pun disebut, dan tatkala mata pisau sampai dileher Ismail, Allah pun memanggil Ibrahim "Sesungguhnya ini ialah percobaan yang nyata beratnya dan Kami (Allah) telah tebus dia dengan satu sembelihan yang besar"

(Surah Shaffat: 103-107).

Nabi Ibrahim disuruh menyembelih seekor domba yang besar sebagai ganti diri anaknya Ismail a.s.

MEMBINA KA'BAH

Nabi Ibrahim adalah Bapak Pejuang menegakkan Agama Tauhid. Dibantu oleh anaknya Ismail ia dirikan Ka'abah, dimana manusia sedunia diseru supaya datang kepadanya untuk beribadah kepada Allah Yang Esa. Seruan ini dilanjutkan oleh Nabi Besar Muhammad s.a.w., mengerjakan haji disyariatkan sebagai salah satu rukun Islam.

Setiap ummat Islam yang mukallaf wajib menunaikannya sekurangnya sekali seumur hidup. Sebab itu hen-

daklah ia berazam dan berusaha mengumpulkan segala alat keperluan untuk dapat menyempurnakan fardhu haji itu.

MANAFAATNYA

Ibadah haji sangat besar faedahnya. Selain daripada memperoleh ketahanan mental pribadi dengan berhasilnya mengatasi segala macam cobaan dan cabaran, ia boleh memberi kesan yang setepat-tepatnya tentang persamaan hak dan kewajiban disisi Allah s.w.t. Segala macam bangsa dengan berbagai bangsa dan warna kulit yang terkumpul satu tempat dan masa yang sama, dapat mengadakan perhubungan satu sama lain, untuk keuntungan kehidupan duniawi dan kehidupan ukhrawi.

SEMBAHYANG HARI RAYA HAJI DAN QURBAN

Khas bagi ummat Islam yang tidak ikut pergi mengerjakan ibadah haji ke "Tanah Haram", maka pada 10hb Zulhijjah, disunnatkan mengerjakan sembahyang hari raya haji, dengan berjamah dipadang yang luas atau di masjid/surau.

Hari raya haji disebut juga dengan 'Idul Adh-ha atau 'Idul Qurban atau 'Idun Nahr, Artinya: hari raya berkorban, iaitu menyembelih haiwan ternakan, yang mana dagingnya dibagikan kepada fakir miskin. Hal ini dilakukan serentak diseluruh dunia Islam, iaitu mulai pada hari ke 10 bulan

Zulhijjah selepas sembahyang hari raya sampai hari ke 13 nya. (11, 12 dan 13hb Zulhijjah dinamakan hari Tasyriq). Selama 4 hari itu diharamkan berpuasa. Hari itu adalah hari raya besar, yang disebut juga dengan 'Idul Akbar. Kalau pada hari raya 'Idul Fithri (hari raya buka puasa) orang-orang bergembira, kerana telah berhasil menunaikan satu latihan sebulan penuh tentang menaham makan dan minum serta hawa nafsu dan syahwat pada siang harinya, lalu membagi-bagikan zakat fithrah, maka pada hari raya haji orang merasa lebih gembira, kerana telah dapat menunaikan satu kewajiban yang lebih berat lagi, iaitu mengerjakan ibadah haji dengan segala pengorbanan harta benda (amwaal) dan korban perasaan dan kepayahan diri sendiri (an-fus). Perasaan pengorbanan ini hendaklah sama-sama dapat dirasakan oleh seluruh ummat Islam, termasuk mereka yang tidak pergi naik haji pada tahun itu, sehingga mereka semua merasa wajib ikut berkorban, iaitu dengan menyembelih sekurang-kurangnya seekor kambing yang cukup besarnya bagi setiap diri pribadi. Boleh juga seekor sapi yang cukup besarnya untuk 7 orang diri pribadi.

SUNNAT MUAKKAD

Berkorban dengan menyembelih haiwan ternak pada hari-hari yang telah ditentukan itu hukumnya adalah sunat muakkad, iaitu sunnat yang lebih dituntut. Siapa-siapa diantara kaum Muslimin yang mempunyai kesang-

gupan membeli sekurang-kurangnya seekor kambing, dikehendaki sangat, supaya menyembelih korban, dan membagi-bagikan daging kepada kaum fakir miskin, anak yatim, orang-orang terpenjara dan sebagainya. Sebahagian kecil daripada dagingnya boleh dimakan oleh yang berkorban sendiri.

Sembelihan korban ini sama sekali tidak boleh dikelirukan dengan sembelihan aqiqah sempena kelahiran anak. Walaupun hukumnya sama-sama sunnat muakkad, akan tetapi waktu dan kedudukan ibadahnya sudah mempunyai ketentuan masing-masing.

Orang yang tak punya anak pun dikehendaki supaya menyembelih korban.

MENYEMBELIH KORBAN DENGAN BERAMAI-RAMAI YANG DILAKUKAN DITIAP-TIAP KAMPUNG ATAU OLEH JAMA'AH TIAP-TIAP MASJID DAN SURAU ADALAH SATU SYIAR ISLAM YANG DAPAT MEMBERI KESAN KEPADA MASYARAKAT UMMAT MANUSIA.

Menyembelih korban dengan beramai-ramai yang dilakukan ditiap-tiap kampung atau oleh jama'ah tiap-tiap masjid dan surau adalah satu syiar Islam yang dapat memberi kesan kepada masyarakat ummat manusia, baik yang Islam maupun yang bukan Islam, betapa Islam itu merupakan satu Agama yang hidup dan memberi hidup.

Islam menghendaki ummatnya, supaya menjadi insan yang kuat dan pengasih-penyayang. Islam menghen-

daki ummatnya supaya suka memberi, bukan ummat yang meminta-minta (mengemis).

Semangat korban dan menafkahkan sebahagian daripada rezki nya untuk kepentingan masyarakat dan mereka yang lemah, adalah ciri khas daripada sifat keperibadian Muslim.

Khususnya mengenai perintah menyembelih korban ini, kita telah baca wahyu Illahi seperti tersebut pada ayat ke 2 surah Al-Kautsar tersebut diatas. Selain daripada itu ada lagi sebuah hadis Rasulullah yang diriwayatkan oleh Imam Ahmad dan Ibnu Majah, daripada Abu Hurairah r.a.:

مَنْ وَجَدَ سَعَةً فَلَمْ يُصِرَّ فَلَا
يَقْرَبَنَّ مَصَلَانَا.

Maksudnya:

“Barangsiapa yang punya kemampuan untuk berkorban, tetapi tidak melakukannya, maka janganlah ia mendekati tempat sembahyang kami.”

Alangkah kerasnya bunyi peringatan Rasulullah itu! Patut sekali diambil perhatian oleh kita kaum Muslimin semuanya.

Marilah, jangan kita lalaikan! Selanjutnya perhatikanlah pula ayat-ayat, yang mengisytiharkan hajji dan qurban itu sebagai tersebut didalam surah Al-Hajji ayat 27-28:

واذن في الناس بالحج يأتوك
 رجالا وعلى كل ضامر يأتين من
 كل فج عميق ليشهدوا منافع
 لهم ويذكروا اسم الله في ايام
 معلومات على ما رزقهم من
 بهيمة الانعام ، فكلوا منها
 واطعموا البائس الفقير .
 (الحج : ٢٧ - ٢٨)

Yang bermaksud:

“Dan isytiharkanlah kepada manusia untuk mengerjakan haji, nescaya mereka datang kepadamu dengan berjalan kaki dan mengenderai onta yang kurus yang datang daripada segenap penjuru yang jauh, supaya mereka menyaksikan berbagai manfaat bagi mereka dan supaya mereka menyebut nama Allah pada hari-hari yang telah ditentukan atas rezki yang Allah telah berikan kepada mereka berupa binatang ternak. Maka makanlah sebahagian daripadanya, dan (sebahagian lagi) berikanlah untuk dimakan oleh orang-orang yang sengsara lagi fakir.”

لن ينال الله لحومها ولا
 دماؤها ولكن يناله التقوى
 منكم (الحج ٣٧)

Maksudnya:

“Daging dan darah korban itu sekali-kali tidak dapat mencapai Allah, tetapi ketaqwaan daripadamulah yang dapat mencapainya.”

Haiwan Kurban, yang sedia ada didalam negeri kita, ialah: 1. kambing, 2. Sapi. Syarat haiwan kurban: 1. Tidak buta matanya, 2. Tidak pincang, 3. Tidak berpenyakit, sehingga nampak kurus atau merusakkan dagingnya. 4. Tidak pontong telinga atau ekornya. 5. Tidak sedang mengandung atau baru melahirkan anak. Haiwan kambing hendaklah berumur paling kurang dua tahun, begitu juga umur sapi.

Sunnat Kurban: 1. Mengucap Bismillah, salawat dan takbir ketika hendak mulai menyembelih. 2. Orang yang berkorban sendiri menyembelih korbannya.

Penyerahan daging kurban: Dagingnya yang belum dimasak hendaklah disedekahkan kepada fakir dan miskin. Orang yang berkorban sunnat memakan sedikit daging korbannya. Haram menjual daging, kulit ataupun bulu daripadan haiwan korban itu, dan tidak dibolehkan memberikannya sebagai upah kepada tukang sembelihnya. Wajib berniat sebelum menyembelih kurban.

Wallahu a’alam.

(HJ. HASANUDDIN ABU BAKAR)

PEDOMAN MENGHARUNGI HIDUP DIDUNIA

Seorang Mahasiswa bertanya kepada Mahagurunya, yang tentunya sudah lebih banyak ilmu dan pengalaman, katanya:

1. "Seorang ahli syair melukiskan hidup diatas dunia ini seperti dalam lautan dalam, banyak manusia yang tenggelam."
2. "Seseorang ahli hikmah melukiskan pula hidup didunia ini, bagai orang minum air masin, bila diminum, makin bertambah hausnya."
3. Ahli fikir yang lain berkata pula: "Hidup ini seperti mimpi yang menggembirakan, setelah ia bangun, hilanglah kegembiraan, bersama lenyapnya mimpi itu."
4. Dan ahli yang lain memberi pendapatnya pula: "Hidup didunia seperti kilat dimalam gelap, sekejap terang benderang, yang segera lenyap menghilang. Tinggallah manusia sendiri, cemas dan berharap didalam kegelapan."

"Bagaimanapun yang sebenarnya ini, wahai Mahaguru kami?"
Dengan tersenyum Mahaguru itu

menjawab.

"Mahasiswaku sekalian!
Itulah dia yang disebut manusia, Mereka berpendapat berlain-lain, menurut selera masing-masing, dalam menilai masalah yang dihadapinya.

Pernilaian masing-masing itu bersifat sementara, tidak pernah yang lengkap dan menyeluruh. Tidak ada yang dapat dijadikan pegangan dalam menjalani hidup diatas dunia ini."

"Itulah sebabnya AL-KHALIQ menurunkan AL-QURAN untuk menjadi pedoman dan pegangan bagi manusia dalam melayarkan bahtera hidupnya.

AL-QURAN menegaskan, bahawa hidup didunia ini hanyalah permainan dan senda gurau dan kesenangan hidup duniawi hanyalah kesenangan sementara yang penuh tipu."

Semuga kita semua berhati-hati dan berwaspada!!

ABU ASYFAIRI.

RUANGAN TAHUKAH ANDA?

i) **BINA WADAH PERJUANGAN ANDA**

Nama 'Angkatan Nahdhatul Islam Bersatu' yang terdiri daripada empat perkara yang dimulai dengan huruf ANJB, manakala ia dibaca dari belakang maka jadilah ia perkataan BINA yang dijadikan sebutan ringkas kepada pertubuhan ini. Kedua-dua nama sebutan itu mempunyai erti dan makna yang saling melengkapi diantara satu sama lain.

- i. Angkatan - Kalau disebut sesebuah angkatan maka akan terbayang kepada "Angkatan Tentera" yang merupakan satu kumpulan orang yang telah siap sedia sepenuhnya dengan segala kelengkapan dan alat senjata untuk berjuang mempertahankan kedaulatan negara dari sebarang ancaman samada yang datang dari luar atau dari dalam negeri.
- ii. Nahdhatul Islam - Bermaksud "Kebangkitan Islam" (awakening of Islam) atau Pergerakan Islam (Islamic Movement).

Maka kalau kita hubungkan nama ini dengan istilah yang popular di dalam Risalah Islamiah maka ia bermaksud tidak lain daripada Dakwah Islamiah, iaitu suatu gerakan yang memperjuangkan bagi terlaksananya ajaran Islam dalam kehidupan setiap peribadi dan masyarakat daripada lingkungan yang sekecil-kecilnya hinggalah kepada yang sebesar-besarnya.

- iii. Bersatu - Adalah suatu penegasan tentang bentuk angkatan itu dan juga suatu penegas terhadap cara gerak tindaknya iaitu didalam bentuk satu kesatuan yang padu, kukuh dan berdisiplin.

ii) **YURAN KEAHLIAN**

Perkara 8 Perlembagaan BINA Fasal (iii) dimana seorang ahli yang tidak membayar yurannya selewat-lewat pada 1 Jun, pada tahun itu hendaklah di beri notis bertulis yang ditandatangani oleh atau bagi pihak Setiausaha Agung ataupun oleh Setiausaha Cawangan, dan anggota itu tidaklah berhak menggunakan keistimewaan-keistimewaan •

seorang anggota sehingga hutangnya telah selesai.

Kalau anda tidak membayar selama 2 tahun, anda boleh dipecat!

Yuran Khas atau kutipan untuk membantu penyebaran Al-Huda bolehlah dikenakan kepada anda sebagai ahli mengikut fasal (viii).

BINA boleh dibubarkan dengan satu keputusan yang dipersetujui oleh tidak kurang daripada setengah jumlah dari bilangan anda sebagai ahli. Ini dinyatakan oleh Perkara 16 dalam Perlembagaan BINA.

Setelah hutang piutang dijelaskan, harta-harta yang tinggal hendaklah didermakan kepada kerajaan.

iii) PEMBUBARAN

IDRIS BIN BOHARI



وعن ابن مسعود رضي الله عنه قال: قلت: يا رسول الله اي العمل احب الى الله تعالى؟ قال: الصلاة على وقتها، قلت: ثم أي؟ قال: برّ الوالدین قلت: ثم أي؟ قال: الجهاد في سبيل الله • (متفق عليه) •

Dari Ibnu Mas'ud r.a., katanya: Saya berkata:
"Ya Rasulullah, amalan manakah yang lebih dicintai oleh Allah Taala?"
Beliau s.a.w. menjawab: "Shalat tepat pada waktunya." Saya bertanya lagi: "Kemudian amalan apakah?"
Beliau menjawab: "Iaitu berbakti kepada kedua orang tua".
Saya bertanya lagi: "Kemudian amalan apakah?" Beliau menjawab:
"Iaitu Jihad fisabilillah".

(Muttafaq a'laih)



وَعَنْ ابْنِ عُمَرَ رَضِيَ اللَّهُ عَنْهُمَا قَالَ:

أَخَذَ رَسُولُ اللَّهِ صَلَّى اللَّهُ عَلَيْهِ

وَسَلَّمَ بِمَنْكِبِي فَقَالَ: كُنْ

فِي الدُّنْيَا كَأَنَّكَ غَرِيبٌ أَوْ عَابِرُ سَبِيلٍ،

وَكَانَ ابْنُ عُمَرَ رَضِيَ اللَّهُ عَنْهُمَا

يَقُولُ: إِذَا أَمْسَيْتَ

فَلَا تَنْتَظِرِ الصَّبَاحَ،

وَإِذَا أَصْبَحْتَ فَلَا تَنْتَظِرِ الْمَسَاءَ،

وَخُذْ مِنْ مَحْتِكَ لِمَرَضِكَ، وَمِنْ

حَيَاتِكَ لِمَوْتِكَ.

(رواه البخاري)

Dari Ibnu Umar r.a. katanya: Rasulullah s.a.w. memegang kedua belah bahu, lalu bersabda:-

"Jadilah engkau didunia ini seolah-olah engkau orang gharib (yakni orang yang merantau, orang yang sedang berada di negeri orang, yang tentu akan kembali ke negeri asalnya) atau sebagai orang yang menyeberangi jalan (yakni sebentar sahaja akan sampai diseberang)." Maka atas dasar itu Ibnu Umar berkata: "Jikalau engkau berada diwaktu petang, maka janganlah menantikan waktu pagi, dan dikalau engkau diwaktu pagi, maka janganlah menantikan waktu petang (untuk beramal baik). Ambillah kesempatan masa sihatmu, sebelum engkau ditimpa sakit, dan gunakanlah masa hidupmu sebelum matimu, (untuk mengerjakan segala amal-amal yang saleh)."

(Riwayat Bukhari)

Keterangannya:

Seorang asing atau seorang perantau itu, sekalipun berapa saja lamanya di negeri orang, ia tetap tidak bertanahair di tempat yang didiami itu. Kalau orang itu bijaksana, tentu kegiatan bekerjanya ditujukan untuk mencari bekal yang akan dibawa ke tanahairnya kembali, sehingga hidupnya di negeri asalnya itu tidak mengalami kekecewaan dan tidak mengalami kekurangan sesuatu apapun, sebab bekal telah dipersiapkan seluruhnya.

Nabi Muhammad s.a.w. menasihati kita manusia yang masih hidup di dunia sekarang ini, hendaknya



MENERIMA HADITS WAJIB SEBAGAIMANA AL-QUR'AN

مَنْ يُطِيعِ الرَّسُولَ فَقَدْ أَطَاعَ اللَّهَ

Firman Allah: "Barangsiapa yang menta'ati Rasul itu, sesungguhnya ia telah men-
taati Allah"

(An-Nisaa' 80)

Diriwaykan oleh Al-Kholib dan As-Sam'any dari 'Imran bin Husaini, suatu ketika ia sedang duduk bersama sahabat-sahabatnya, maka berkatalah seseorang daripada kaum: "Jangan sampaikan kepada kami kecuali Al-Qu'ran." maka menjawablah ia: "Mendekatlah", maka iapun mendekat. Maka ia (Imran.....) berkata: "Jika engkau dan sahabat-sahabatmu berpegang kepada Al-Qur'an saja (dengan menolak hadits), adakah engkau dapati di dalamnya (Al-Qur'an) shalat zhohor 4 raka'at, shalat 'ashar 4 raka'at dan shalat maghrib 3 raka'at dengan membaca (suara nyaring) dalam dua raka'at pertama?, jika engkau dan sahabat-sahabatmu berserah kepada Al-Qur'an saja, adakah engkau dapati tohaf keliling ka'abah 7 putaran dan mengelilingi safa dan marwah?, "Wahai kaum terimalah dari kami, demi Allah jika kamu tidak melaksanakannya sungguh kamu semua pasti akan sesat."

Dari Majalah AT-TAUHID
Al-Qahirah-Mesir
keluaran kelima tahun 1405H
ALIFH

beranggapan sebagai orang asing atau perantau yang bijaksana tadi. Dengan demikian, tidak hanya sekadar untuk makan minum saja yang giat kita usahakan, tetapi bekal untuk kembali ke kampung akhirat itulah yang wajib lebih diutamakan. Bekal untuk bepergian yang jauh ke tanahair yang baqa diakhirat itu tidak ada lain kecuali memperbanyak amalan yang salih, menjalankan semua perintah Allah dan menjauhi semua laranganNya.

Adapun ucapan Ibnu Umar r.a. itu ialah supaya kita segera melakukan amal-amal yang baik, jangan ditunda-tunda waktunya. Kalau waktu pagi, jangan menunggu sampai petang hari dan kalau waktu petang jangan menunggu sampai pagi hari, sebab kematian itu datangnya dengan sekonyong-konyong. Demikian pula masa kita dalam keadaan sihat, hendaklah kita isi dengan beramal salih, sebab sakit itu dapat mendatangi kita sewaktu-waktu. Juga, selagi masih hidup ini segeralah giat-giat berbuat kebajikan sebab mati itupun dapat datang mendadak, tanpa memberikan tanda-tanda apapun.

Kini yang perlu kita perhatikan ialah:-

a) Dunia fana ini jangan sampai dianggap sebagai tempat kediaman

yang abadi, agar kita tidak lengah untuk mencari bekal guna kebahagiaan kita di akhirat.

- b) Ini tidak berarti bahawa untuk kebahagiaan akhirat kita harus abaikan kebahagiaan di dunia, tetapi antara dua kepentingan itu wajib kita laksanakan bersama. Masing-masing sama dikejar menurut waktunya sendiri-sendiri. Jadi di waktu datang kewajiban ibadat jangan sekali-kali digunakan mengejar duit atau sebaliknya.
- c) Mencintai harta benda duniawiyah jangan melampaui batas, hingga menjadi kikir untuk melakukan kesocialan. Ingatlah bahawa semua yang kita cintai itu pada suatu ketika pasti akan kita tinggalkan, sedangkan harta benda itu nantinya menjadi milik orang lain dan tidak mustahil akan menjadi rebutan di kalangan anak cucu di masa mendatang. Perbanyakkanlah amal-amal salih sedapat mungkin dengan harta yang kita miliki itu. Insyaa Allah, ia akan menghasilkan kebahagiaan hakiki untuk pelaksananya dunia akhirat.

Wallahhu A'lam.

AKIBAT DADAH KEPADA:

DIRI SENDIRI

- menghambakan diri kepada tabiat ketagihan dadah yang berkelaluan
- mengenyepikan kepentingan-kepentingan lain dan maruah diri untuk mendapatkan bekalan dadah
- menyebabkan kesiksaan dan kesengsaraan

KELUARGA


- mengancam kehormonian keluarga dan jiran akibat perlakuan jenayah dan sikap anti sosial penagih dadah

MASYARAKAT

- menggugat ketenteraman masyarakat serta mengancam keselamatan dan ketahanan negara akibat penagihan yang berleluasa
- pengurangan pencapaian dan daya pengeluaran dalam masyarakat yang terdapat ramai penagih dadah

CARA MENGENALI PENAGIH DADAH:

- Perubahan atau kemerosotan kehadiran di sekolah atau tempat kerja, mutu kerja, disiplin, hasil kerja
- Meradang tidak tentu sebab, selalu mengucap dan tidak bermaya
- Perubahan sikap dan kelakuan pada keseluruhannya
- Kemerosotan rupa paras dan kebersihan diri
- Tabiat suka menyembunyikan apa-apa yang dilakukan serta yang dimiliki
- Hilang selera makan, kurang berat badan, mata berkaca-kaca dan berair atau kuyu
- Parut atau bekas suntikan di lengan
- Berdampingan dengan mereka yang diketahui menagih
- Mengasing diri daripada rakan-rakan sekolah/sebaya dan kegiatan rekreasi
- Meminta wang secara berlebihan dari ibubapa
- Suka meminjam wang atau mencuri barang-barang yang mudah dijual
- Selalu mengunjungi tempat-tempat terpencil tanpa sebab seperti bilik-bilik setor, bilik kecil, tingkat bawah bangunan (untuk mengambil dadah).



Dadah: Diri Yang Terbuang

CEGAH SEBELUM PARAH